


吳梅邨詩集箋  
五



吳梅村詩箋卷第九

鶴市迂亭程穆衡輯



古近體詩八十六首

起丁酉還家後至吳郡之作

曇陽觀訪文學博士介石兼讀蒼雪師舊蹟

州乘備採曇陽觀在

城西南隅太原王氏建以祀曇陽子介石蒼雪俱見前

先生頭白髮垂耳博士無官家萬里講席飄零笠澤雲鄉

心斷絕昆明水

黃向堅尋親紀程雲省之東有縣呈貢係太倉文學博祖堯之故里邑侯夏祖訓嘉

興人樹兵拒敵城破不屈慘死全城皆屠止存文公一家亦異事公子昆仲探子至來屬詢公起居告以在蘇屢會今尚健昆南來道者為蒼公說經如虎詩如龍大渡河頭

洗白足一枝柳栗棲中峰與君相見喜然笑石林對語羈

愁空文集兵至先生將行弟子請留不可即請從先生日諸君有親在不可以吾故累吾將從蒼公游先是蒼

公講法華於婁之海印菴先生故園西境接身毒雪山照以同里而異術豎義相論難

耀流沙通陸深蜀都雜抄宿峨嵋絕頂當寺雞三號殘月猶在遠見西極荒陲一點光明若火光此天笠

雪山為初日所照也頃之日出此山隱隱炫耀天際已神而日色徧滿大千則山光不復明但見如一粉堆耳

僧大儒却竝出雕題久矣漸華風嗚呼銅鼓鳴莊躡起青

草湖邊築營壘金馬碧雞悵已矣尋親紀程雲南自乙酉年九月遭元謀縣土司

吾必奎叛調臨安土司沙定洲授征兵變沐鎮失守西竄

永昌沙賊盤踞省中兵連楚雄金滄道楊畏知相距年餘

丁亥春川兵由黔入滇破曲靖定洲敗走東通省城迎降

無血戰之苦楊公力戰被擒說以仁義勸勿殺掠故滇西

雕題見王制既禮記

人言二句見李太白集詳蕭士贊註

子窈窕丹青映圖史玉棺上天人不見遺骨千年蛻於此

王衡緜山集先母朱氏行實女三次即守貞仙化世所稱

曇陽子者也王世貞曇陽大師傳略年十七將嫁會婿徐

景韶病死縞服草屨別築一土室居之夜夢至上真所香

見皆史記  
西南夷列  
傳

烏爨見華  
陽國志

而坐亦不令有所蓋覆九月二日問父龕成否重九日吾  
期也龕至即禮所為高坐袖刀割右髻於几曰吾以上真  
度不獲死遺蛻末即朽不獲葬此髻為我啟徐即窆先生  
而附之復命四僮傳語吾曇鸞菩薩化身也立而瞑

結茅居其旁歸不歸兮思故鄉

文集亂定滇道未通有以私舍設都講布函文請者

先生放杖而笑自理其鬚髯曰我已僧服矣乃即城南精  
藍中置木榻命一童子支鼎爨盡謝其生徒杜門不交人

事盡道長沙軍已得滇池王伏波南下開夜郎

蔣熏留素堂集通報

十二月初一日吳平西師至緬甸其相錫真請退兵許送

永歷歸款次日二更永歷同宮眷至軍中又蔣熏緬甸詞

註錫波江在緬城外緬俗男女衣服多著白兜羅綿緬有  
樹頭酒婦人多以香屑塗身永歷宮女止十四人隨行

烏爨孤城猶屈強青蛉絕塞終微茫

三藩紀事本末李定國聞阿瓦消息遣人

入車遲遲羅諸國乞兵圖興復黃元治黔中雜記平遠為  
水西安氏比喇地自吳三桂破水西安坤誅滅奄有其地

遂建置府治與大定黔西威寧並稱新疆

忽得山中書蒼公早化去支遁經臺

樹隕花文翁書屋風飄零絮噫嘻乎悲哉香象歸何處杜

宇啼偏哀月明夢落枕柳臺丈夫行年已七十天涯戎馬

知何日點蒼青海邊白道路雖開亦無及

過王菴看梅感興

有叙

練川城南三十里為王菴學憲王先生著書之地也

有梅萬株不減鄧尉余以春日過其廢圃學憲所

著數種其版籍尚存

趙所嘉定縣志王圻字元翰嘉定人由上海籍中嘉靖壬

子舉人癸丑進士授江西清江知縣歷雲南道監察御史湖廣提學僉事終陝西布政使叅議又日

王園中有歲寒亭按王圻所著書以續文獻通考為第一

地僻幽人賞名高拙宦居客來唯老樹花發為殘書斜日空林鳥微風曲沼魚平生貪著述零落意何如

獨往王菴看梅沈雨公携尊道值余已過反賦此為

笑

屢負尋山約偶然來此間多君携酒至愧我放船還雙屐成孤往千林就一間誰知種花叟鎮日不開關

春日小園卽席次白林九明府韻

州乘脩採白林九名登明順治丁亥

鑲白旗漢軍貢士癸巳年來任太倉州知州六載報政陞去侯曉習文法吐決如流開張施設當機

立辨然仁心為質勸耕桑修水利恤災荒不專以擊斷為能子浩歲貢生浩子煥壁煥樞煥樞甲午武舉平魯山海衛掌印守備子焜次炯歲貢生次炳雍正壬子舉人

小築疎籬占綠灣釣竿斜出草堂間柳因見日頻舒眼花為迎風早破顏地是廉泉連讓水人如退谷遇香山新詩片石留題在採蕨烹葵數往還

山居卽事示王維夏郁計登諸子

灌水清漳五畝居山菴簷果釣竿魚金龜典後頻賒酒塵尾燒來為著書對客好穿高齒屐出門常駕短轆車陸倕張率呼同載二月江南正稜除

送致言上人

致言名宏白歛人雪嶠弟子

獨下千峯去蒼溪出樹腰雲生穿磴屐月滿過江瓢一飯  
從村寺前身夢石橋經行無定着惆悵故山遙

題畫

芍藥

芍藥之和  
見于虛賦

花到春深爛熳紅香來士女踏歌中風知相謔吹芳蒂露  
恨將離浥粉叢清酒總教顏色異調羹誤許姓名同內家  
彩筆新成頌肯讓玄暉白自工

石榴

碧雲剪剪月鈎鈎狼籍珊瑚露未收絳樹憑闌看梅笑綠  
衣傳火照梳頭深房莫倚含苞固多子還憐鷓齒羞種得  
萼蒲堪清酒劉郎花底拜侯紅

按前漢書紅侯名富楚元  
王之後向歆之先也此取

劉榴同音  
其工如此

洛陽花

花鏡即瞿麥葉似石竹叢生有節高一  
二尺花出枝杪本柔而繁五色俱備

綠窻昨夜長輕莎玉作欄杆錦覆窠丹繡好描秦氏粉墨  
痕重點石家螺

此聯點  
出畫意

剪同翠羽來金谷織竝紅羅出絳

千種洛陽名卉在不知須讓此花多

茉莉

剪雪裁冰莫浪猜  
玉人纖手摘將來  
新泉浸後香恒滿  
細縷穿成蕊半開  
愛玩晚涼宜小立  
護持隔歲為親栽  
一枝點染東風裏  
好與新粧報鏡臺

結句見是畫

### 芙蓉

細雨橫塘白露拳  
竊同茂紅婀娜向風前  
千絲衣薄荷同製  
三醉顏酡柳共眠  
水殿曉涼粧徙倚  
玉河春淺共遷延  
涉江好把芳名認  
錯讀陳王賦一篇

### 菊花

夜深銀燭最分明  
翠葉金鈿認小名  
故着黃緇貪入道  
却

翹紫袖擅傾城  
生來艷質何消瘦  
移近高人恰老成  
幾度看花花耐久  
可知花亦是多情

### 磬清湖

并叙。湖名見前

磬清湖者西連陳湖南接陳墓

姑蘇志陳墓去長洲縣東南五十五

里世傳宋光宗妃陳氏葬此因名其地東連崑山南近澱山諸湖

其先褚氏之所

居也磬清者土人以水清疑其下有磬石故名或

曰范蠡去越取道於此湖名范遷以音近而訛世

遠莫得而攷也太湖居吾郡之北有大山衝擊風

濤湍悍而陳湖諸水滄泓演迤居人狎而安焉烟

村水市若鳧雁之着波面千百於其中土沃以厚  
畝收二種有魚蝦菱芡之利資船以出入科徭視  
他境差緩故其民日以饒不為盜吾宗之繇倩青  
房公益兄弟居於此四世矣余以乙酉五月聞亂  
倉猝携百口投之中流風雨大作扁舟掀簸榜人  
不辨水門故處久之始達主人開門延宿雞黍酒  
漿將迎灑埽其居前榮後寢葭蘆掩映榆柳蕭疎  
月出柴門漁歌四起杳然不知有人世事矣是時  
姑蘇送款兵至不戮一人消息流傳緩急互異湖

異湖中烟火晏然予將卜築買田耦耕終老居兩

月而陳墓之變作

褚人獲堅瓠集順治乙酉五月  
王師下江南吾蘇帖然順從六

月十三忽有湖賊揭竿殺安撫黃家喜  
城中鼎沸賴大兵繼至得寧餘詳詩中於是流離

轉徙懂而後免事定將踐前約尋以世故牽挽流  
涕登車疾病顛連關河阻隔比三載得歸而青房  
過訪草堂見予髮白齒落深怪早衰又以其窮愁  
糞獨妻孥相繼下世因話昔年湖山兵火奔走提  
携心力枉枯骨肉安在太息者久之青房亦以毀  
家紓役舊業蕩然水鳥樹林依稀如故而居停數



椽斷籬零甍罔有存者人世盛衰聚散之故豈可  
問耶撫今追往詮次為五言長詩用識吾愧且以  
明舊德於不忘也

老孫子數  
鵝鴨皆見

吾宗老孫子住在磬清湖湖水清且漣其地皆膏腴堤栽  
百株柳池種千石魚教僮數鵝鴨遠屋開芙蓉有書足以  
讀有酒易以酤終老寡送迎頭髮可不梳相傳范少伯三  
徙由中吳一舸從此去在理或不誣嗟予遇兵火百口如  
飛鳧避地何所投扁舟指菰蒲北風晚正急烟港生糝糊  
船小吹雨來衣薄無朝舖前此村似將近路轉忽又無倉皇

值漁火欲問心已孤俄見葭茨邊主人出門呼開柵引我  
船埽室容我徒我家兩衰親上奉高堂姑艱難頭搥白動  
止需人扶妻妾病伶仃嘔吐當中途長女僅九齡餘泣猶  
呱呱入君所居室燈火映窓疏寬閒分數寢嬉笑喧諸雛  
縛帚東西廂行李安從奴前窓張罽網後壁掛耒鋤苦辭  
村地僻客舍無精麩剪韭烹伏雌斫鱸炊雕胡床頭出濁  
醪人倦消幾壺睡起日已高曉色開烟蕪漁灣一兩家點  
染江村圖沙嘴何人舟消息傳姑蘇或云江洲下不比楊  
州屠早晚安集掾鞍馬來南都或云移民房插箭下嚴符

囊橐歸他人婦女充軍停里老獨宴然催辦今年租餼  
看賽社醮飲聽呼盧軍馬總不來里巷相為誤而我游其  
間坦腹行徐徐見人盡恭敬不識誰賢愚魚蝦盈小市鳧  
雁充中厨月出浮溪光萬象疑沾濡放楫凌滄浪笑弄驪  
龍珠夷猶發浩唱禮法胡能拘東南雖板蕩此地其黃虞  
世事有反覆變亂興須臾草草十數人盟歛起里閭鬼園  
一老生自詭讀穰苴漁翁爭坐席有力為專諸舴艋飾餘  
皇簑笠裝犀渠大笑擲釣竿赤手搏於菟欲奪夫差宮坐  
擁專城居予又出子門十步九崎嶇脫身白刃間性命輕

錨鉢

明史蘇州既降諸生陸世鑰聚眾焚城樓威敬成仁  
譜世鑰字兆魚陳墓人家素饒能養士生時父夢人

送大鯉至故字之乙酉春夢神語云萬歷十三年當破家  
及展歷見是年即乙酉倉中米忽脹屋盡裂又天雨宅池  
見鯉躍益自信家必破閏六月雜髮令下乃盡散家粟同  
諸生戴之雋等招集勇士聯絡雲間堵截要口鑿四大井  
誠家人曰事敗當全家盡此時諸營兵既恒怯專務抄掠  
知必債恚憤特甚比師散削髮為僧遁山寺丙戌夏之雋  
同吳勝兆舉兵跡世鑰所在令其妻子挽之倉猝一我去  
見即逸去戊子病將卒曰我當死於墓冢至丙舍死

子亦行後各還其廬官軍雖屢到尚未成丘墟生涯免溝

壑身計謀樵漁買得百畝田從子學長沮天意不我從世  
網將人驅親朋盡追送涕泣登征車吾生罹干戈猶與骨  
月俱一官受逼迫萬事堪欷歔倦策既歸來入室翻次且

念我平生人慘澹留羅襦公原配郁淑人先公十五年卒當在丙申秋雨君叩

門一見驚清癯我苦不必言但坐觀髭鬚歲月曾幾何筋

力遠不如遭亂若此衰豈得勝奔趨十年顧妻子心力都

成虛分離有定分久暫理不殊翻笑危急時奔走徒區區

君時聽我語顏色慘不舒亂世畏威名薄俗容小儒生來

遠朝市謂足逃沮洳長官誅求急姓氏屬里昏夜半聞叩

門瓶盞少所儲豈不惜堂構其奈愁征輸庭樹好追涼剪

伐存枯株池荷久不開歲久填泥淤廢宅鋤為田薺麥生

堦除當時棲息地零落今無餘生還愛節物高會逢菜莢

好採籬菊下且讀囊中書中懷苟自得外物非吾須君觀  
鷓夷子春戀傾城姝千金亦偶然奚足稱陶朱仍收歸范遷湖不  
如棄家去漁釣山之隅江湖至廣大何惜安微軀揮手謝  
時輩慎勿空躊躇

物幻詩

物幻詩格實寂於此非惟工麗兼每首俱有寓意

繭虎

南山五日鏡匣開綵索春葱縛軼材奇物巧從蠶館製內  
家親見豹房來越巫辟惡鏤金勝漢將擒生畫玉臺最是  
繭絲添虎翼難將續命訴牛哀

茄牛

擊鼓喧闐笑未休泥車瓦狗出同游

泥車瓦狗馬騎俳倡

諸戲弄小兒之具此泥車瓦狗所出

生成豈比東鄰犢骸何來孺子牛老

圃盤餐誇特殺太牢滋味入常羞看他諸葛貪游戲苦鬪

兒曹巧運籌

養鶴

丁令歸來寄素書羽毛零落待何如雲霄豈有舖糟計飲

啄寧關逐臭餘

腐鼠之嚇千古一笑

雪比撒鹽堆勁翮蟻旋封垤附

專車秦皇跨鶴思仙去死骨何因奠鮑魚

蟬猴

仙蛻誰傳不死方最高枝處憶同行移將吸露吟風意

賂

王咏蟬序吟喬樹之微風韵資

做就輕軀細骨粧

王延壽王孫賦

天縱飲高秋之墜露清畏人知

薄鬢影如蓬越女斷腸聲似怨齊王内家

近作通侯相賜出貂蟬傲粉郎

蘆筆

織廉先生南齊沈麟士也

採箬編蒲課筆耕織簾居士擅書名掃來魯壁枯難用焚

就秦灰製不成飛白夜窻花草入夢玄秋閣雁銜橫中山

本是盧郎宅錯認移封號管城

橘燈

掩映蘭膏葉底尋玉盤纖手出無心  
花開槐市枝枝火霜滿江潭樹樹金  
繡佛傳燈珠錯落洞仙爭奕漏深沉  
饒他

丁緩見西京雜記

丁緩施工巧不及成生在上林

桃核船

按魏學沂核舟記言船背題名係天啓年虞山王叔遠製而鈿瑋觚觿桃核舫記言

康熙中姑蘇

金老所作

漢家水戰習昆明曼倩偷來下瀨橫  
三士漫成齊相計五湖好載越姝行  
青田核種千年久河渚槎浮一葉輕  
從此武陵漁問渡胡麻飯裏棹歌聲

蓮蓬人

聞諸前輩此章公自謂也

獨立平生重此翁反裘雙袖倚東風  
殘身顛倒憑誰戲亂服麤疎恥便工  
共結苦心諸子散早拈香粉美人空  
莫嫌到老絲難斷總在污泥不染中

裴俠稱獨立君

戲詠不倒翁

掉首浮生半紙輕一丸封就任縱橫  
何妨失足貪遊戲不耐安眠欠老成  
儘受推排偏屈強敢煩扶策自支撐  
却遭桃梗妍皮誚此內空空浪得名

幼女

抱去纔周時應難記別時信來偏早慧似解識京師書到

遲回問人前含吐詞可憐汝母病臨絕話相思郁淑人沒於丙申詳

詩意以幼女撫於他家未携入京

贈陸生

錢箋華亭陸子玄慶曾為余丁酉北榜同年輩悅庑談同時如吳江吳漢槎兆騫常熟孫赤崖賜長洲潘逸民隱如桐城方與三育盛皆有高才盛名同以科場事貸死戎邊子玄以機雲家世與曩仲大樽為輩行輒軻三十年至垂老乃博一舉復遭誣以白首禦窮邊而死一妾挈幼子牽衣袂行路盡為流涕

陸生得名三十年布衣好客囊無錢尚書墓道千章樹處

士江村二頃田

尚書墓道謂禮部尚書陸樹聲也處士江村謂機山下平原村為機雲讀書處也皆

三岡識略陸文定公孫慶曾素負才名丙舍之居頗擅園亭之勝以序貢入都中式事發遣戍遠左先是陸氏墓木悉枯栖鳥

數日內皆徒巢又慶

子玄之先也

棄捐才名苦受人招致古來權要嗜奔走巧僭高賢謝多

口古來貧賤難自持一殮誤喪生平守陸生落落真吾流

行年五十今何求好將輕俠藏亡命恥把文章謁貴游火

夫肯用他途進相逢誤喜知名姓技獍原來達士心棲遲

不免文人病黃金白壁誰家子見人盡道當如此銅山一

旦拉然崩却笑黔婁此中死

堯峰文鈔壬辰權貴人與考官有隙謀因事中之於是科

場之議起持摘進士首名程周量經義被黜科場之議日以益熾其端發於是科而其禍極于丁酉士大夫糜爛潰裂者殆不可勝計嗟君時命劇可憐蜚語牽連竟配邊木葉山頭

曾至杭祈夢於于公祠夢公授紙一幅展視乃潘陽圖也

悲夜夜春申浦上望年年江花江月歸何處燕子鷺兜等  
飄絮紅豆啼殘曲裏聲白楊哭斷齋前樹屈指鄉園筍蕨  
肥南烹置酒夢依稀尊鱸正美書堪寄燈火將殘淚獨揮  
君不見鴻都買第歸來客駟馬軒車胡辟易西園論價喜  
誰知東觀掄文矜莫及從他羅隱與方干  
弘簡錄唐末宰  
臣張文蔚中舍  
封舜卿奏名儒不遇者方干等  
十有五人請賜一官以慰其魂  
不比如君行路難只有一  
篇思舊賦江關蕭瑟幾人看

壬夏雜抄  
孫暘被囚  
拷訊幾罹  
大戮其兄

### 吾谷行

哀常熟孫赤崖暘也擊晚卮談陶隱居真誥  
會稽淳于斟入烏目山中遇仙人慧車子授  
以虹景丹經修行得道烏目山者虞山別名孫氏  
世居山西岩曰吾谷霜染丹楓最宜秋望故梅村

狀元公承  
恩刺血寫  
奏跪伏號  
泣宮門外  
一夜漏盡  
門啟內豎

引入匍匐  
過前殿頂

駕宿金水  
河亭復跪

泣橋側聲  
徹睿聽命

小豎接本  
省覽次日

賜與同事  
數人下刑部

各杖四十  
流尚陽堡

集咏孫暘事托興吾谷孫暘少豪爽十五即擅文  
譽丁酉魁選遭謗見收下刑部獄榜掠適其兄承  
恩狀元及第走馬入西曹暘拳欬卧階下相抱哭  
失聲得貸死配邊故曰双株向背生也暘後於康  
熙丙子九月年正七十得援例贖罪歸

吾谷千章萬章木挿石緣溪秀林麓中有雙株向背生竝  
榦交柯互蟠曲一株夭矯面東風上拂青雲宿黃鵠黃鵠  
引吭鳴一聲響入瑤花飛簌簌一株偃蹇踞陰崖半死半  
生遭屈辱雷劈燒痕翠鬣焦雨垂漏滴蒼皮縮泥崩石斷  
迸枯根鼠竄蟲穿隱空腹行人過此盡彷徨日暮驅車不  
能速前山路轉相公墳宰木參差亂入雲

昭文縣志吾谷  
宰樹四合綠陰

寒夏丹楓染秋里許至高道山居林徑宵窅  
翠屏回合山居之西一里抵錦峯巖相公祠  
枝上子規啼

碧血道旁少婦泣羅裙羅裙碧血招魂哭  
寡鵲羈雌不忍

聞同伴幾家逢下淚羨他夫婿尚從軍  
相公墳謂巖文靖公訥之墓也王應

奎柳南隨筆常燕嚴給事中貽吉以丁酉科場事腰斬時同流者又有劉逸民死尚陽堡其妻為盜所殺  
可憐

吾谷天邊樹猶有相逢斷腸處得免蒼皇剪伐愁敢辭飄

本葉山見遠史志

泊風霜懼木葉山頭雪正飛行人十月遼陽戍兄在長安

壬夏雜抄陸貽吉本

弟玉關摘葉攀條不能去  
昭文縣志孫承恩原名曙字扶桑為諸生負才揚已標望絕人

姓嚴字子

以選牘文體不正被參除名由貢監領順天鄉薦戊戌刑

六癸未進

南宮殿試第一人臚傳日章皇帝詢知原名天顏有喜

士官給諫

因數被顧問從幸南海子賜騎御閑名馬適大風揚沙馬

為舉子居疾馳中寒疾卒賜金歸莫弟暘字赤崖名與兄埒丁酉舉

間事發立

京兆科場事發謫徙尚陽堡久之還里有蔗菴集按故老

收繫明日

相傳承恩被擠墜馬蹠死時恐上知有他譴諱云中寒粹

腰斬於市

家產籍沒

妻子流尚

陽堡子方

四五歲間

夢餘錄國朝瀛臺即明漸臺在大液池之南明時有昭

閑萬里葡

和殿其門外一亭拱柱攢合額直書曰趨臺坡其北濱池

奮道左見

一亭額曰湧翠則御駕登龍舟處文集章皇帝興治

者酸心

右文格廷俊又數舉經筵命儒臣講論太義或時巡南苑

是科覆試

應制賦詩一時文學侍從之定有春風至吾谷故園不用

第一為吳

臣無不揆藻擣華對揚休命

珂鳴賜同

進士出身

由庶常歷

官至大拜

便殿以下

益指吳

月是他鄉

何常莫向千門羨棟梁君不見庾信傷心枯樹賦縱吟風

憂樵牧雖遇雕枯墜葉黃恰逢滋茂攢條綠由來榮落總



悲歌行贈吳季子

原註松陵人字漢槎○蔣永修陳

三鳳凰之日謂松陵吳漢槎雲間彭古晉陽羨陳其年也擊斃厄談漢槎名兆騫與群從弘人聞夏顯令皆有盛藻高名昂後吳下諸孤子如侯武功藥廣成先生孫楊俊三焯維丰先生子咸相親善侯楊早世漢槎以丁酉科場飛語配寘固塔著秋笈集其寄懷故人自却悔平原輕赴洛悲壯踰於古從軍出塞後徐健菴陞總憲為捐餼贖歸

人生千里與萬里黯然銷魂別而已君獨何為至於此山

非山兮水非水生非生兮死非死十三學經并學史生在

江南長紈綺詞賦翩翩眾莫比白壁青蠅見排抵一朝束

縛去上書難自理絕塞千山斷行李

千山在遼陽城外扈從東巡日錄遼左諸

山土多石少此獨積石磊砢峯巒叢疊以千數計此山之所由名也送吏淚不止流人復何

何倚彼尚愁不歸我行定已矣八月龍沙雪花起

吳兆騫天東小

紀沙林東八十里為寧古塔臨江而居以木為城地極寒八月即雪清明冰乃解耳

橐駝垂腰馬沒

耳白骨皚皚經戰壘黑河無船渡者幾

扈從東巡日錄夜黑兜河在烏喇雞

林西有夜黑城在北山隈

前有猛虎後蒼兕土穴偷生若螻蟻

周輝南燼紀聞

北土極寒必掘地作穴以居深五六尺晝夜伏其中大魚如山不見尾張髻為風沫

為雨

黃東海語海鰭長者亘百餘里船猝遇之如當其首輒震以銃砲鱗驚徐徐而沒猶漩渦數里船顛頓久之乃

定乃日月倒行入海底白晝相逢半人鬼噫嘻乎悲哉生

聰明慎勿喜倉頡夜哭良有以受患祗從讀書始君不見

吳季子

送友人出塞

原註吳茲受松陵人。漢槎配寧古塔。茲受殆出塞省之或茲受自緣事配邊。

魚海蕭條萬里霜，西風一哭斷人腸。勸君休望零支塞，木

葉山頭是故鄉。

茲受名晉錫，官永州司理。

此去流人路幾千，長虹亭外草連天。不知黑水西風雪，有

有江南問渡船。

長虹亭在吳江，按茲受女適楊維，子焯焯字俊三，英才早慧而歿。

贈遼左故人

海寧陳相國之遼也，文集相國初在翰，林與余同官，其生子女也，同歲相國之

父中丞公以婚請女歸相國，子直方時相國方守，司農卿而直方北闈得舉司農，再相未一歲，用言，者謫居瀋陽，已而名入京為宿衛，視薦人諸子在，法當從會再以他事下請室，家人咸被繫獄旬月。

而後讞全家徙遼左，用流人法，不得為前日比，按之遼字彥升。

詔書切責罷三公，千里驅車向大東。曾募流移畊塞下，前見

松山豈遷豪傑實關中，桑麻亭障行人斷。松杏山河戰骨

空，此去纍臣聞鬼哭，可無杯酒酹西風。

短轅一哭暮雲低，雪窖冰天路慘淒。青史幾年朝玉馬，白

頭何日放金雞。燕支塞遠春難到，木葉山高鳥亂啼。百口

總行君莫笑，免教少婦憶遼西。林下詞選，陳相國夫人徐，燦字湘蘋，吳縣人，善屬文。

黃精書翰盡法，詩餘真得北宋風格，絕去纖佻之習，其冠冕處雖李易安亦當避席。

潦倒南冠，顧影慚殘生。得失懺瞿曇，君恩未許誇前席。世

前席賈誼事

路誰能脫左驂雁去雁來空塞北  
花開花落自江南  
可憐庾信多才思  
闕隴鄉心已不堪

浮生踪跡總茫然  
兩拜中書再徙邊  
儘有溫湯堪療疾  
從

東巡日錄遼陽城外千山有溫泉祖樾寺在谷口入山數里為龍泉寺此非謂遵化湯泉  
恰逢靈藥可

延年垂來文鼠裝  
綿暖射得寒魚入  
饌鮮

扈從東巡日錄大烏喇虞村土產人獲水出北珠江有鱒魚禽有鷹鷄海東青之類獸有麕鹿熊豕青鼠貂鼠居人二千餘戶皆八旗壯丁夏取珠

秋取獲冬取貂皮以給公家及王府之用男女耕作終歲勤動亦有充水手擘舟漁戶捕魚或入山採樺皮松子者

四句皆言滿  
只少江南好春色  
孤山梅樹登溪船

路出西河望八城  
遼河又名高句麗河河西為遠西  
保宮

亦以其如畫也

墨客揮屏

餐畫今之生色也秦

韜玉詩花明驛路懸

脂煖山入江亭卷畫

開李西臺詩晴山雲

餐畫孤嶼水含棧劉

商隱愛義興卷畫溪

亦以其如畫也

老母在保宮見李陵

傳

老母淚縱橫  
重圍屢困孤身在  
相國父名祖苞天啟六年任寧前僉憲典山海關崇

禎中巡撫大同以失事被法頌天臚筆丙寅春寧遠被圍烽火燭天將吏爭遣其孥歸之遼父與母吳氏慷慨誓殉

出入手一短刃每指關城語諸將曰吾受命典此關與共存亡百口俱在不令諸君獨死也日夜露立閉門捕逃卒

數十百人真之理東  
垂死翻悲絕  
塞行盡室可憐  
逢將吏

生兒真悔作公卿  
蕭蕭夜半玄菟月  
鶴淚歸來夢不成

齊女門前萬里臺  
傷心砧杵北風哀  
一官悞汝高門累半

子憐渠快婿才  
謂按半子出唐書  
失母况經關塞別從夫

只好夢魂來摩挲  
老眼千行淚望斷  
寒雲凍不開

也文集相國全家徙遼左獨子婦不在遣中相國命將幼稚歸虜書余曰吾子女不少患難苦辛惟有容貌夫婦耳

女積憂勞病咯血卒年二十  
四日而直方在京師見遣云

遙別故友 亦為陳相國

絕域重分路知君萬里餘馬頭辭主淚雁足覆巢書草沒  
還家夢霜飛過磧車齊詣他日事應記北溟魚  
雪深難見日海盡再逢關野鼠多同穴神魚斷似山只應  
呼草地都不類人間勉謝從行者他年有夢還

徐軌續本

事詩以篤

才高淪落

好游狹邪

嘗春延年

蕭伎欲娶

蕩子失意行贈李雲田

西堂雜俎招蕩子註云代周  
寶鏡夫人招李雲田也雲田

已又聘盧

江女羅弱

其副室周

寶鏡尼之

不果云云

詩殆緣此

作自中夜

理瑤瑟下

至出作盧

教游皆代

寶鏡招以

篤也意與

展成詩同

君又自茲去匹馬將誰投

如花窈窕迴明眸皎皎雙行躔巧笑蹇羅幃男兒重紅粉

妾夢輕浮漚

陳維崧婦人集周照字寶鏡江夏女子湘楚  
中人傳其丰神纖媚姣好如佚女性敏給知  
書歸漢陽李生家先有大婦始眉黛間恒有楚色李又  
愛客遊嘗携始殘箋數幅以示友人人無不色飛者生篋

中藏始自寫坐月流花圖雙髻如霧烘染欲絕今年附書  
圖尾有小傳二一日絡隱或云始又字絡隱云

至慰訊猶綢繆客囊無長物旅病纔新瘳途窮狗知己進

止詎自由狂走三十年布褐空蒙頭不如歸去來漁釣滄

浪謳大兒誦文史小婦彈箜篌南村沽社酒西舍牽耕牛

人生一蘧廬漂泊如飛鷗得意匪為樂失路寧關愁居為

段干隱出作盧敖游我欲竟此曲君笑登扁舟碧天浩無

際極目徒悠悠按曹秋岳與金夢蜚書云漢陽諸生李雲

虛左待之其為名公引田弟之至友其才名甲於楚地并乞時時

### 過中峰禮蒼公塔

錢箋華山過塢後為吾師檠菴卓錫處下有蒼雪印塔日知錄沙門

稱公者必以其名冠之梁陳以下字之不復公之

下馬支公塔經聲萬壑松影留吟處石智出定時鐘尚記

山中約誰傳海外逢平生詩力健翹足在何峰詩話蒼公

老沉着痛快當為詩中第一不獨僧中第一也當其得意軒眉抵掌抗慨擊案自謂生平於此證入不二法門禪機

詩學總一參悟

明月心常湛寒泉性不枯寒泉見前鳥啼香積散花落影堂孤

道在寧來去名高定有無淒涼看筆冢蒼雪焚筆詩土冢不封毛盡禿鐵門

無限字原無欲來風雨千章遺墨滿江湖

慧業誰能繼宗風絕可哀昔人存馬癖近代薄詩才鹿走

談經苑鴉飛說法臺空懸竹如意落日講堂開

故國流沙近黃金宰塔坡胡僧眉挂地梵夾口懸河

曇花記大理負山臨海山為靈鷲水為西洱昔阿育王所封之地以故釋迦說法大士化身靈跡詭異莫可殫述

傳法青蓮湧還家白馬馱他年乘願到應認舊山阿

師詩話方外於興亡之際感慨泣下每見之詩歌嘗自詠云剪刀杖頭挑寶誌山河掌上見圖澄休將白帽街頭賣道行終了為未僧

### 贈荊州守袁大韞玉

原註袁為吳郡佳公子風流才調詞曲擅名遭亂北都佐藩西

楚尋以失職空囊僑寓白下扁舟歸里惆悵無家為作此詩贈之○堯峰文鈔卧雪公素囊字與之太學生子年萬歷丁丑進士歷官陝西按察使孫堪萬歷庚子舉人歷官肇慶府同知坊歷官絳州

州同知曾孫于令歷官荊州知府于令字韞玉號籀菴

曉日珠簾半上鈎少年走馬過紅橋五陵烽火窮途恨三

峽雲山遠地愁盧女門前烏柏樹昭君村畔木蘭舟相逢

莫唱思歸引故國傷心恐淚流

霓裳三疊遍天涯浪跡巴丘度歲華

君山記巴丘山在岳州城南羿屠巴蛇於

洞庭積骨為丘故名賴有狂名堪作客誰知拙宦已無家

按順治十年三月湖

廣撫臣題叅袁于令等官十五員侵冒錢糧時布政司林德馨已內陞左副都御史工科給事張王治并劾德馨詩

句殆為籀菴辨誣西州士女章臺柳南國江山玉樹花正遇秋風

蕭索甚淒涼賀老撥琵琶

鄒祗謨倚聲集素籀菴以樂府擅名填詞獨爾聞然紅橋唱和

小令乃猶不減風流正不必賀老琵琶為寫照也

詞客開元擅盛名蕭條鶴髮可憐生劉郎浦口潮初長一統

志劉郎浦在石首縣漢昭烈帝娶孫夫人渡此伍相祠邊月正明一統志伍相祠在監利縣又宋

陽亦有擊筑悲歌燕市恨彈絲法曲楚江情原註秦西樓樂府中有楚

江情善才已死秋娘老濕盡青衫調不成一

湘山木落洞庭波杜宇聲聲喚奈何千騎油幢持虎節扁

舟鐵笛換漁簑使君灘急風濤阻神女臺荒雲雨多一統志使

君灘在寶慶城北五十三灘之一陽基山在漢川縣上有神女廟按箏卷佐籥幕在岳州而此并上章云劉郎浦伍

相祠若前云浪跡則所遊固非一地楚相歸來唯四壁故人優孟早高歌

臨頓兒陸廣微吳地記臨頓為吳八館之一姑蘇志吳王征夷嘗置頓憩宴軍士故名後於此置

橋據梧齋塵談臨頓橋在今府城內東北隅唐陸龜蒙嘗居於此然臨頓乃縣名自漢以來屬潁川

郡晉以後其地數陷於北意吳之有臨頓里或因南北朝時流人聚居得名歟志言尚可疑耳

臨頓誰家兒生小矜白皙阿爺負官錢棄置何倉猝給我

適誰家朱門臨廣陌囑儂且好住跳弄無知識獨怪臨去

時摩首如憐惜三年教歌舞萬里離親戚絕伎逢侯王寵

異施恩澤高堂紅氍毹華燈布瑤席授以紫檀槽吹以白

玉笛文錦縫我衣珍珠裝我額瑟瑟珊瑚枝曲罷恣狼籍

我本貧家子邂逅遭拋擲一身被驅使兩口無消息縱賞

千黃金莫救饑死骨歡樂居他鄉骨肉識何益此等詩純似奔州樂

府變最得漢魏之遺

畫蘭曲

為卞玉京之妹卞敏作也

畫蘭女子年十五生小琵琶怨春雨記得粧成一見時手撥簾帷便爾汝蜀紙當窓寫晚蘭口脂香動入毫端腕輕染黛添芽易釧重舒梢放葉難似能不能得花意花亦如人吐猶未珍惜沉吟取格時看人只道儂家媚橫披側出影重重取次腰肢向背同昨日一枝芳砌上折來雙鬢鏡臺中玉指纔停弄絃索漫撚輕調似花弱殷勤彈到別離

聲風風雨雨聽花落

板橋雜記卞敏頤而白風情綽約亦善畫蘭鼓琴玉京以多見長敏以少

見貴各極其妙

花落亭舉白露溥舊根易土護新寒可憐明月河

邊種移入東風碧玉欄聞道羅幃怨離索麝煤鵝絹間嘗作又云憔悴非昔時筆牀翡翠多零落今年掛檝洞庭舟

柳暗桑濃罨綺樓度曲佳人遮鈿扇知書侍女下瓊鈎主人邀我圖山色宣索傳來畫蘭筆輕移牙尺見勻牋側偃

銀毫憐吮墨

板橋雜記卞敏後歸申進士維久維久宰相孫性豪舉詩文名海內得敏益自喜此何維

久病沒家中替嫁一貴官潁川氏三年病死按此詩花落亭筆以下四句謂敏歸維久也聞道羅幃以下四句謂歸維久不得志也今年掛檝以下謂與敏重見所稱主人即維久也敏既舊院中人而維久又公門人故相見無碍又



維久吳縣人故於遊洞庭時遇人時游  
洞庭為已亥春故有柳暗桑濃之句也  
醉中適口認魚羹茶香黯淡知吾性車馬雍容是故情常  
時對面憂吾瘦淺立斜窺訝應舊好將獨語過黃昏誰堪  
幽夢牽羅袖歸來開篋簡啼痕腸斷生綃點染真何似杜  
陵春袂飲樂遊原上采蘭人

湖中懷友

渺渺晴波晚青青芳草時遠帆看似定獨樹去何遲花落  
劉根廟雲生柳毅祠俱見後香尊正可擷欲寄起相思擊悅  
厄談  
或言近人琢句致乏天趣余謂此閑悟力非假冥搜即  
如遠帆看似定豈非景在目前何人不知却何人能道

宿沈文長山館

見十二卷沈文長  
雨過福源寺詩序

一徑草堂偏湖光四壁天焙茶松竈火浴繭竹籬泉玉鼠  
仙人洞銀鱸釣客船前村呼種樹偶語石橋邊  
遇山思便住此地信堪留謀食因溪確齋心在石樓漁舟  
帆六面橋井樹千頭長共鷗夷子翩然結伴遊

福源寺

原註去毛公壇三里為攢雲嶺有福源泉寺  
以泉名羅漢松係梁朝舊物○姑蘇志福源  
寺梁大同二年吳縣令黃禎舍山園建僧晉國開

千尺攢雲嶺金銀佛寺開鹿仙吹笛過龍女換珠來泉繞  
談經苑松依說法臺蕭梁留古樹風雨不允材

石樓見後  
林屋洞詩  
註

石公山

葛芝包山游記由明月灣而上舍舟從陸人行山上如履橋袖之杪蒼翠中時見湖光渺

然約三四里乃至石公

真宰劇雲根奇物思所置養之以天地益益插靈異

潘耒

堂集游洞庭山記石公在西山東南隅山盡矣一支透入湖心別聳一峰如蓮花其莖北屬餘三面並覆水

為仙家困百仞千倉閉釜鬲吹雲中杵白鳴天際忽而遇

巖城揀揉不能絕遠窺樓櫓堅逼視戈矛利一關當其中

飛鳥為之避仰睇微有光投足疑無地循級涉層巔天風

豁蒼翠疲喘千犀牛落落誰能制偃偻一老人獨立拊其

背既若拱而揖又疑隱而睡此乃為石公三問不吾對

包山

游記水際二名如人立石公之名以此或云朱勳花石綱曾採於此石已入舟復墜水挽之不動乃棄去今石公也

包山寺贈古如和尚

遂初堂集包山寺及毛公壇皆

裹故名入寺門有清泉佳樹景趣幽絕石幢對峙有唐人書勝陀羅尼亦無拓者

古木包山寺蒼然曉氣平石毛仙蛻冷

原註近毛公壇雲影佛衣

輕咒鉢鮫人聽彈碁鶴子驚相逢茶早熟匡坐說無生

縹緲峰

包山游記山羣峰以十數登之輒有所障惟登縹緲則諸峰盡偃伏五湖蒼茫浸灌莫可

端倪登望遂窮四際苔溪陽羨諸山遠色若青

碧岸湖平陸草樹村落隱隱可見微水界之縱橫

如溝澮度皆名川巨澤也湖中小山如流楸株如

聚積灰萬斛之舟風檣往來如羣鷗之浮水上大

哉觀

乎

茲峰非云高高與衆山別其下多嵌空天風吹不折挿根  
虛無際縹緲為險絕細徑緣山腰人聲來木末籃輿雜徒  
步佳處欣夢歇躋嶺路倍艱往往攬垂葛灑氣凌沈澗一  
身若冰雪遂初堂集縹緲峰絕類羅浮之飛雲輕心出天  
其頂共圓如浮屠之顛故四望無碍地羽翮生彷彿杖底撥殘雲了了見吳越曜靈燭滄浪滉  
漾金光發陰霞俄已變慘淡玄雲結歸筇破暝靄半嶺值  
虹蜺始知清境杳跡共人鳥滅丹砂定可求苦為妻子奪  
看君衣上雲飛過松間月

登縹緲峰

絕頂江湖放眼明飄然如欲御風行最高尚有魚龍氣半  
嶺全無鳥雀聲芳草青蕪迷近遠夕陽金碧變陰晴夫差  
霸業銷沉盡楓葉蘆花釣艇橫

歸雲洞

包山游記歸雲洞其石皆突兀  
最高中曠外周欄楯可坐眺

歸雲何孱顏雕琢自太古干松互盤結托根無一土呀然  
丹崖開蒼茫百靈斧萬載長款危撐拄良亦苦古佛自然  
為相一身雜仰俯依稀莓苔中葉葉青蓮吐若以度真詮  
足號藏書府仙翁刺船來坐擘麒麟脯鐵笛起中流進酒  
虬龍舞晚向洞中眠叱石開百武林几與棋局一一陳廊

廡

遂初堂集歸雲洞故有奇石當洞口如雲之將入今為俗子鑿去以廣其洞頃失舊觀

翩然自茲

去黃鵠瀟湘浦恐使吾徒窺還將白雲補

林屋洞

任昉述異記洞為左神幽虛之天即天后真君之便闕包山游記蛇行而入可一二里至

隔元二字止水潦降不能行入數丈即止見石乳垂垂若筍蝠蝠撲人水聲悲激上曲巖奇石林立蹲踞俯仰不名一狀無深松茂柏遠望湖水如練漁舟渺忽輕鳥飛翻眺望之美於茲畧略石壁題名始徧中有紹興紹熙年號漫滅不盡可讀詳視知為李彌大園彌大者宋參知政事也

震澤初未定水石爭相攻神龍排杳冥盪擊沉虛空仙人

資禹力洞府開洪濛惜哉石函書不救夫差窮大道既已

洩國祚於焉終

元和郡國志闔閭使靈威丈人入洞秉燭晝夜行七十日不窮乃反曰初入洞口甚

隘區倭而入約數里忽遇一石室高可二丈上垂津液內有石牀枕硯石几上有素書三卷上於闔閭不識使人上於孔子孔子曰此禹石函文也闔閭復令人經兩旬卻反云不似前也惟上聞風浪聲又有異蟲撲人擦火石燕蝠蝠大如鳥前去不得穴中高处我行訪遺蹟興極探虛空照不見巔左右多人馬蹟也

絕徑不可窺自視尤枯筇山神愛偃倭直立憂微躬似之

生退怯匍匐羞兒童

李維禎大泌山房集遊洞庭記數十人東炬前露紉着荆屨衣短後衣行

百步水愈深手足俱旋淖且作牛飲遂反傳聞過險澀豁訝來天風松炬厭明

滅乳竇驚青紅洪厓應常來牀几陳從容

張渤吳錄一穴偃倭纔得入穴

外石盤薄穴裏如一間堂屋上高丈餘恒津澗四壁石色青白有鶯管鍾乳

何不迴真馭日月

行其中銀房闕幽異勿使吾徒同終當齋餼糧鍊骨如飛

鴻路穿三江底境與諸天通南浮瀟湘水西上峨眉峰元和  
郡國志洞有五門西連峨眉南接巴陵羅浮北連歸來訖  
岱嶽東有石樓樓下兩石扣之清越所謂神鉦  
里人足比靈威翁

### 過圻村

萬壑響鳴蟬湖光樹杪懸雲鬢神女廟雪乳隱君泉大泌山房

集游洞庭石磨山下取道圻村得烏砂泉泉在井中大山柳蔭之距湖高若遠皆可文許每汲必有烏砂沉盞底

籠櫻桃重溪船菱芡鮮相携從此住松老不知年

### 過席允來山居

文集允來名元泰世居莫麓峰下綠垣三楹牀茵几杖位置皆得其處蘭蕙教盆怒芽競茁牆頭有木瓜朱緣一二株垂實累累向人憲前置拳石面勢膚理似長與人同卧

起者其下嫩草雜卉疎密可數而牡丹數十本尤絕出余每過湖君開門煮茗清談促坐別則落其簷果餉余余于于傍徨不忍去

碧梧門巷亂山邊灑掃雖頻得自然石筍一林雲活活藥

欄千品雨娟娟養花性為先人好文集父震湖名茶有茶癖善種花得養性術年

九十種樹經從伯氏傳社酒已濃茶已熟客來長繫五湖

船

### 送周子倅

五載寄幽燕歸來問家室入門四壁在小婦當窓織恐其  
話饑寒且呼治酒食妻子識君心低頭唯默默嗟余忝鄰

里欲語弗遑及聞君又行邁君歸曾幾日睽此父母邦過  
若遠鄉客丈夫志四海行矣須努力

努力羸餼糧秋風即長路京口正用兵倉皇過瓜步扁舟  
戒行李六月黃河怒脫身萬仞淵此險何足數慷慨輕波  
濤長年豈知故中道感舊交良為詩書悞餘生嬰世網重  
來獻詞賦登高望烽火躊躇屢回顧

謂丁酉科  
場事

回顧去鄉遠進及長安城禁門十二戟策馬聞鷄鳴解褐  
初登朝日出趨承明慶雲生階墀天樂和且平立計談誠  
用萬里無專征忘形樂簡易任氣高縱橫常恐斗酒後脫

略驚公卿一官了婚嫁可以謀歸耕

子做此行當是應戊戌會試故既稱願之

復丁  
寧之

歸畊青岡陂

州乘條採地有上下岡身路故子做用後漢周燮語自號東岡

清流貫羣木

月明夜方靜高話溪堂宿破產求神仙丹砂徇微祿玉書

晚應悟至道無情欲

婁東者舊傳子做喜黃白之術頗以之置

一飯輒萬錢

并日恒不足知交雖云厚距可先骨肉

婁東者舊傳子做少嗣於叔祖有同

產五人因五析其嗣產

閱世經艱難息心謝榮辱平生著述事尚有

殘編讀

海虞孫孝維三十贈言

孝維名藩孝若之弟家世見前孝若山樓詩文集孝維父

朝肅沒官粵東布政時金氏妻出考維方數齡迨  
州歲即從余學昭文縣志藩一字燕玉好圖史古

玩稱翩翩  
佳公子

法護非不  
佳僧彌難

為凡珣珉  
兄弟也見

晉書本傳

法護僧彌並絕倫聽經蕭寺紫綸巾高齋點筆依紅樹畫

檄徵歌轉綠蘋一榻茶香專供佛五湖蝦菜待留賓丈夫

早歲輕名宦鄧禹無為苦笑人

招真臺下讀書莊

梁昭明太子招真治記道士沛郡張君道裕至虞山忽夢見聖祖云峰下之地

宜立館字裕師潘珙隱四明山有人耳長髮短云從虞山招真治來忽不見潘馳信報君君因以夢中所指地為治

故號總角知名已老蒼何氏三高推小隱荀家群從重中

郎鬪茶客話千山雨寄橘人歸百顆霜

原註太末理官考若其凡也地產橘

佳最塵尾執來思豎義旻公同飲贊公房

始立何容減宦情恣曾有弟尚諸生

法曹仍謂衢州理刑

松憲映火

茗芽熟貝葉研朱梵夾成金谷酒空消冶習曲江花落悟

浮名

原註花落者為扶桑志感也。孫扶桑見前吾谷行

年來恥學王懷祖初辟中

兵捧檄行

晉書本傳王述年三十尚未知名人或謂之癡司徒王導以門地辟為中兵屬用此切三十也

高柳長風六月天青鞋布鞵尚湖邊輕舟掠過破山寺橫

笛邀來大石仙

原註孫氏之先遇仙於烏目山之太石。昭文縣志大石山房為孫氏祠其石孫西

川艾所鑿中有穀茶前王儉拜公猶昨歲張充學易在今年種松記

取合圍後樹下著書堪醉眠

范正名印  
心其人以  
一字為字  
頗近怪

送杜大于皇從婁東往武林兼簡曹司農秋岳范僉

事正

漁洋詩話杜茶村濬初名詒先黃岡人僑居於金陵貧甚屢客廣陵

五月江村客行曉僮無朝舖馬無草路穿槐柳到柴門滿

架藤花屋灑掃與君相別定何年一見嗟余頭白早杜濬變雅

堂集六十自叙願以一年努力北走燕市投知己故人為梳飯粗豆息肩養恥之計然後歸而閉戶究經史未竟之緒

東鄰濁酒賒未到盤桓粗疎具梨棗莫怪貧家一飯難

主人長饑客不飽解囊示我金焦詩四壁波濤驚欲倒一

氣元音接混茫想落千峰入飛鳥變雅堂集杜子厲齋在雞鳴山尾之右所謂十

廟西門者京城近日之極遠僻處也杜子厲此者亦陰利客之不至焉耳按茶村久厲金陵故游跡多在金焦今僧

寮壁多刺其詩又嘗自刻其京口詩凡所歷者皆在近來此地擅時譽粉飾開元與

天寶我把耒鋤倦唱酬恥畫蛾眉鬪工巧看君爽氣出江

山始悔從前作詩少海內悠悠識者誰汝有平生故人好

副相猶然臥茂陵侍郎已自歸嶺表時秋岳自廣東布政歸副相者以曹參為

也況逢少伯共登臨西子湖頭月皎皎人生貧賤何足悲

縱酒高歌白雲香勝絕留容我輩狂劫灰燒盡雷峰小落

落窮途感快遊愧我菰蘆色枯槁佳句流傳遍世間寄書

早慰江潭老按茶村有為止死世農募義文云讀殘書彈罷劍盡易參苓寡婦歎孤死行竟無飭粥六

旬之父方同乞食之陶潛八口之家誰為裹飯之桑戶其貧甚矣故慰之意多



送楊懷涓擢臨安令

原註令成都人臨安乃錢鏐衣錦城也。蜀愛其剽悍給李

懷涓本成都人十餘歲獻賦入蜀。定國為養子定國後歸明及與孫可望自文選連兵屠城陷陣懷涓常為軍鋒定國死於粵滇亡來降前所積武資已高隨例換文階得太倉州管糧通判忤州紳巡按某劾去之尋請從軍導王師南討有功授杭之臨安令又移梧之岑溪令復削職歸遂家太倉州二子皆有文補州諸生

聽松鈴閣放衙陰飛瀑穿塔石室琴許掾仙居丹井在謝

公游策碧雲深

武林舊事臨安有東西二山西山許邁嘗採芝於此東山即謝安高臥處安嘗坐石

室臨瀟谷悠然嘆曰此與伯夷何遠

山農虎善樵微徑溪女蠶忙採遠林此

地何王誇衣錦錦城人起故鄉心

追悼

柳淑人先公十五年卒為丙申詩當在戊戌己亥間

秋風蕭索響空幃酒醒更殘淚滿衣辛苦共嘗偏早公亂  
離知否得同歸君親有媿吾還在生死無端事總非最是  
傷心看稚女一窓燈火照鳴機柳淑人無子有四女

喜願雲師從廬山歸

并叙。願雲以庚寅夏入廬山而公生己酉此叙云十年而歸

及五十初度云云當在戊戌己亥間

願雲居雲居山十年

一統志雲居山在江西建昌縣峯巒峻極上多雲霧一名

歐山世傳歐巖先生得道處

歸而出其匡廬詩道五老石門九

寄三疊諸勝

遠法師廬山記西南有石門山其狀似雙闕壁立千仞而瀑布流焉棲賢

一統志白  
鹿昇仙臺  
在廬山天  
池寺洪武  
二十二年  
御製周顛  
仙傳建碑  
亭於臺上

寺東北有五老峰飛泉怪瀑不可思議而尤以御  
廬山之勝此為最

碑亭雲海為第一觀

張野廬山記山將雨則有白雲或冠峯岩或亘中嶺俗謂

之山帶不出三日必雨劉遺民廬山記常有白氣映嶺下竟似住鏡光白銀二

種世界不知滄桑浮塵為何等事矣願公贈余五

十初度詩其落句曰百半定將前諾踐敢期對坐

聽松聲益責余前約會時方喪亂衰病無家願以

高堂垂白不能隨師以去也乃為詩答之

勝絕觀心處天風萬壑聲石門千鏡入雲海一身輕出世

悲時事忘情念友生亂離兄弟恨辜負十年盟

### 虎丘中秋新霽

萬籟廣場合道人心地平天留今夜月雨洗去年兵歌管

星河動禪燈風露清淒涼闔閭墓斷壑起松檟

靈巖繼起和尚應曹村金相國請住虎邱祖席

繼起名儲

號退翁釋紀陰宙亭語錄靈岩孤秀迴絕東南智積開山唐宋盛代迨我退翁儲祖集大成而開生西面說大法以整頹綱預鑪鞞者皆龍蟠鳳逸之傳廁中瓶者咸玉潤薰之侶又漢月十二弟子莫著於具德禮繼起儲檠菴嗣法於繼起者也碩揆嗣法於具德者也

應物心無繫觀空老辯才道隨諸佛住山是相公開日出  
嚴齋鼓天清護講臺居然歌舞地人為放叅來

靈巖觀設戒

姑蘇志靈巖一名石鼓山山椒有石鼓鳴則有兵又名硯石山山連磧村也

湖山留霸跡花鳥供經臺不信黃池會今看白社開枯潭

龍洗出

姑蘇志山頂別有石池相傳生菴葵今不復見

妙塔雁歸來

姑蘇志靈巖寺近燬惟一

塔存此地關興廢須資汰將才

霧巖山寺放生雞

芥羽狸膏早擅場爭雄身屬鬪雞坊從今喚醒夫差夢粉

蝶低飛過講堂

縛柵開籠敢自專雲中誰許作神仙如來為放金雞赦飲

啄浮生又幾年

敢效山雞惜羽毛卑棲風雨自三號湯泉夜半蓮花湧佛  
號鐘聲日未高

雞足峰頭夜雨青花冠錦臆影亭亭老莊談罷踈窻冷閒

向山僧學聽經

過韓蘄王墓

在霧巖山西

訪古思天塹江聲戰鼓中全家知轉鬪健婦笑臨戎汗馬

歸諸將疲驢念兩宮

田汝成西湖志餘王解樞柄就第絕口不言兵常項一字中跨小驢放浪

西湖泉石間自號清涼居士好淒涼岳少保宿草起秋風

事者遂繪為韓王湖上騎驢圖  
宋史本傳論暮年退居行都部曲  
舊將不與相見益懲岳飛之事也

行在倉皇日提兵過故鄉傳聞同父老流涕說君王石馬  
心猶壯雲臺跡已荒一坏堪漬酒殘日下平岡

祁連冢霍  
去病事

詔起祁連冢豐碑有賜亭

姑蘇志紹興二十一年王薨賜祭極優厚敕使徐伸護葬縣令

執役御題神道云中興佐命定國元勳之碑碑高十餘丈  
敕趙雄為文萬餘言初勒文而未立龜跌留木漬嘉定間  
勅奠趙師昇有司磨韓碑應用後始豎此碑為樓三成覆  
之今碑尚存而額在百步外鄉人以為龍陣過揭去之也

掛弓關塞月埋劍羽林星百戰黃龍艦三江白石銘趙家

冬青行記  
詳輟耕錄

金椀出山鬼哭冬青

丘壟今蕪沒江山竟寂寥松風吹北固碑雨洗南朝細路

牛羊上荒岡草木凋肯容樵豎擾遺恨在金焦

胡舜申已酉避亂錄

予在焦山見世忠陳兵江中而鎮江口山上有兀立不動  
下視吾軍者世忠船特大早晚諸將來稟議歷歷可數而  
賊中事吾軍略不知之既偵虜往建康亦沂江以舟師與  
對壘議者固已非之曰兵法勿迎於水內半濟而擊之利  
果抵於敗虜安然渡江北歸

宿徐元歎落木菴

原註元歎棄家住故鄣山中亂後  
歸天池丙舍落木菴竟陵譚友夏

所題也。元歎名波其自作落木菴記曰崇禎癸酉  
西與竟陵譚友夏在其弟服膺署中曉起盥漱見  
余白髮盈梳日子從此別計必住山請擇嘉名以  
名其居服膺出幅紙請作擘窠大書友夏為書落  
木菴今三字獨諸菴門松栝數株撐風蔽日元冬  
霜月蕭蕭而下雙童縛帚除不給齋厨爨烟皆  
從此出事前定如此波亂後寄焚僧寒碧詩楚  
鬼微吟上峽謠中元法食可相招憑師為譬興亡  
恨雨打秋墳骨亦銷此為鐘譚作也末客授錢謙  
益所錢贈詩云皇天老眼慰蹉跎七十年華小劫

然世忠進官加恩自若也

過天寶貞元詞客盡  
江南留得一徐波

落木萬山心蕭條無古今棄家歸去晚別業往來深客過

松間飯

陳鑑茶經註補鍾伯敬與徐元歎有虎丘茶訊謂  
兩人文情數千里以賣茶為名一年通一信遂成

故事伯敬築室竟陵遠遊無期呼元歎賈餘力一往元歎  
有答茶訊詩又有真茶文譚友夏冬夜拜伯敬墓詩姑蘇  
徐逸士看雨祭茶時又有詩寄元歎云  
河上花繁多有淚吳天茶老久無香

僧留石上琴早成

茅屋計枉向白雲尋

支硎山齋聽雨明日早晴更宿法螺精舍

姑蘇志支  
硎山在龍

池山東北以晉支遁嘗居此而山多平石故名按  
玉篇吳有臨硎吳郡賦亦云右號臨硎又續圖經  
支硎一名報恩山以昔有報恩寺  
也法螺精舍趙宦光寒山丙舍也

秋山所宿處指點白雲生故作中宵雨倍添今日晴一峰  
當止觀萬象逼孤清更上上方松風吹玉笙

憩趙允夫所鑿石

王衡維山集吾州有趙夫允者居  
天平亂山間於灌木叢篁中建藏

書閣足跡不入城其配陸善詩古文風氣通上的  
的漢魏余嘗過允夫爨藪漿飯青精讀陸夫人詩  
時薄日穿松輕颺憂竹蕭然有遺世之想按允夫  
名宦光瓊涇人博古精篆籀見趙氏世藝錄陸夫  
人字卿子多才添工書精繪事  
尚寶少卿陸師道女載明史

石骨何年斲蒼然萬態收

隨石像名鑿字  
以記山徑皆然

直從文字變豈

止斧斤搜亂瀑垂痕古枯松結體道

許旭秋水集由天平  
園至華山地有扁

松二株相傳為晉代物居人將伐以充爨趙允夫出數  
金與之得免今不二十年趙氏已亡松六不知何處矣  
卽

今苔蘚剝一一類銀鈎

趙元夫山居為祠堂今改為報恩寺

高人心力盡石在道長存

沈寓白華莊稿三高祠論三高者實無一高惟華山麓亦有三

高祠祀趙宦光九夫王在公孟夙朱鷺白民一著書一廉潔一孝行皆吳人可為世法者

古佛同居佳

名山即子孫飛泉穿樹腹奇字入雲根

列朝詩小傳元夫棄家廬墓與卿子

借隱寒山手闢荒穢既泉架壑善自標置引合勝流而卿子又工於詞章翰墨流布一時名聲藉甚以為高人逸妻

如霧真伴侶夜半藤蘿月鐘聲冷墓門

### 吳梅村詩箋卷九終

### 吳梅村詩箋卷第十

鶴市迎亭程穆衡輯

古近體詩九十八首起已亥至游虞山之作

咏拙政園山茶花并引

拙政園故大弘寺基也其地林木絕勝有御史王

某者侵之以廣其居

秋水集拙政園者先朝御史王君來按吾吳愛其風土罷

官後卜居婁門而築也地廣十餘頃後歸徐氏最

久兵興為鎮將所據軍府已而海昌陳相國得

之內有寶珠山茶三四株交柯合理得勢爭高每

花時鉅麗鮮妍紛披照矚為江南所僅見相國自  
買此園在政地十年不歸再經謫遼海此花從

未寓目見前贈遼左故人詩余偶過太息為作此詩他日午

橋獨樂定有酬倡以示看花君子也徐乾學拙政園記始虞山

錢宗伯謙益嘗構曲房其中以娛所嬖河東君而

海寧相國繼之門施行馬海寧得禍入官駐防將

軍以開幕府禁旅既還則有鎮將某者送館焉

亡何而前備兵使者安公以為治所未暇有所改

作既而歸於王永寧允前此數人居之者皆仍拙

政之舊自永寧始易置丘壑益以崇高雕鏤非復

圖記詩賦之云矣真黔作逆永寧與凶渠有連既

先事死而園屋猶以藩本入官其最侈借則楠木

廳柱礎皆刻升龍今已徹而輦至京師供將作矣

又按秋水集園百餘年來自尚書政府將軍觀察

備兵使者迭居其地允數易主王永寧卜第於吳

廓而新之動心賦目輝天炫地雖河陽別業萬年

新墅不是過也予以辛亥上巳來游感

人事之靡常繁華之罕觀作詩以志之

拙政園內山茶花一株兩株枝交加艷如天孫織雲錦頰

如姹女燒丹砂吐如珊瑚綴火齊映如蝶蝶凌朝霞百年

前是空王宅寶珠色相生光華長養端資鬼神力優曇湧

現西流沙姑蘇志大弘寺在城東北隅元大德間僧判僉

居此別敝東齋寺燬於火見紅衣歌臺舞榭從何起當日

豪家擅閭里苦辱精藍為翫花旋拋先業隨流水兒郎縱

博賭名園一擲留傳猶在耳新蘇州府志拙政園在姜齋

臣因大弘寺廢地營別墅文待後人脩築改池臺石梁路  
詔徵明記其子以樗蒲負失之

轉蒼苔履曲檻奇花拂盡樓樓上朱顏嬌莫比隱謂柳如是千

條絳蠟照鉛華十丈紅牆飾羅綺闔盡風流富管弦更誰

瞥眼閒桃李齊女門邊戰鼓聲入門便作將軍壘荆棘從

填馬矢高谷斤勿剪鶯簧喜近年此地歸相公相公勞苦

承明宮真宰陽和暗回幹長安日日披熏風花留金谷遲

難落花到朱門分外紅獨有君恩歸未得百花深鎖月明

中灌花老人向前說園中昨夜零霜雪黃沙淅淅動人愁

碧樹垂垂為誰發可憐塞上燕支山染花不就花枝殷江

城作花顏色好杜鵑啼血何斑斑花開連理古來少並蒂

同心不相保名花珍異惜如珠滿地飄殘胡不掃楊柳絲

絲二月天王門關外無芳草縱費東君着意吹忍經摧折

春光老陳維崧拙政園連理山茶歌此地多年沒縣官我

因官去暫盤桓堆來馬矢齊粧閣學得驢鳴倚盡

欄遠陽小吏前時遇曾說經過相公墓已知人去不如

花那得花開高如故知序末所云午橋獨樂徒虛願矣看

花不語淚沾衣惆悵花間燕子飛折取一枝還供佛征人

消息幾時歸新蘇州府志王永寧沒官後康熙十八年改

蘇松常道新署道缺裁後散為民居今歸蔣

江上世祖實錄十六年六月壬子海寇陷鎮江府七

月丙子犯江寧省城江督卽廷佐奏報逆渠鄭

復園氏名



成功親擁戰艦數千賊衆十餘萬攻犯江寧又於  
上江下江分布賊艘阻截要路臣同駐防將軍哈  
哈木貴州凱旋梅勒章京噶褚哈馬爾賽等固守  
蘓松進兵梁化鳳固山大牙他里等俱抵江寧水  
陸並進賊敗遁荆州將軍安達里等赴援至楊子  
江港口遇賊迎擊敗之復犯崇明遊擊劉國玉擊  
敗之賊復南逸按江寧破賊化鳳功第一化鳳字  
神天子厲亦為崇明提兵其家在西安府屏繪金  
陵破賊圖  
今尚存

鐵馬新林戰鼓休十年軍府笑謔謀但虞莊躡爭南郡

孫時

可望李定國白文選等亂不信孫恩到蔡州江過濡須誰

築壘潮通滬瀆總安流

通鑑註濡須塢在今巢縣東西南四十里而滬瀆在今上海縣此二

句言建業上流又海口皆無巡防故賊得突入也

蘆花一夜西風起兩點金焦萬

里愁

鎮江之陷知府戴可進等六員副將高謙等十四員皆從逆在籍原任吏部郎中張九徵御史筮重光以可進定謀迎賊慟哭力爭不得及城破乃遁

七夕感事

南飛烏鵲夜北顧鸛鵝軍圍壁鉦傳火巢車劍挂雲江從

嚴鼓斷風向祭牙分眼見孫曹事他年著異聞

中秋看月有感

今年京口月猶得杖藜看暫息干戈易重經少壯難江聲

連戍鼓人影出漁竿晚悟盈虧理愁君白玉盤

三藩紀事本末賊八

月至觀音門以黃安提督水師守三汊河口成功率諸將出儀鳳門登陸屯岳廟山甘輝以守禦既固恐難猝拔為

諫不聽大軍以千騎來薄偽前鋒鎮余新擊敗之遂不設  
備軍士捕魚飲博為樂我副將梁化鳳偵知之由儀鳳門  
穴地出軍皆衝枝疾走薄新營新不及甲遂就擒成功急  
令翁天祐馳援已無及大兵既敗余新遂以步卒數千直  
搗中堅而以騎兵數萬繞山後出其背前後夾擊成功大  
敗諸偽將各潰走不相顧成功揮軍急退甘輝且戰且走  
至江騎能屬者三十人被執殺九月成功還  
師此詩殆已聞捷音作故有暫息干戈等語

寄房師周芮公先生

并序。芮公名廷鑑。晉江人。字元立。戊辰進士。

偉業以庚午受知於晉江周芮公師進謁潤州官

舍

南國賢書崇禎三年考試官。姜曰廣。江西人。已未科。陳演。四川人。壬戌科。春秋房同考。周廷鑑。

鎮江府推官

維時上流無恙。京口晏然。吾師以陸生入

洛之年。弟子亦終軍棄繻之歲。南徐月夜北固江

今世說詩  
公癖耽吟  
咏尤好興  
騷人衲客  
相酬唱冲  
懷貞淡與  
之晤對如  
捐廣成如  
瞻水鏡

聲揮塵論文登樓置酒笑談甚適賓從皆賢已而

入主銓衡地當清切周旋禁近提挈敢華拜別河

梁十有八載滄桑兵火萬事都非偉業負耒躬耕

誓終沒齒不謂推遷塵事潦倒浮生病苦窮愁羈

縻煎迫師以同徵獨得不至方推周黨共羨管寧

而家居窮海身受重圍

順治三年福州破以後鄭成功數擾福州興化等郡

已見

羽檄時聞音塵莫及雖然江南近信已泊樓

船京峴舊游皆泐樂土

指鎮江之隘

何必無諸臺上

一統

志無諸臺在始接烽烟毆冶池邊

一統志毆冶池在福州布政司

後周數里每風雨纔開壁壘也既知援師南下山

郡依然庚子五月將軍達素總督李率泰率兵鄭

樵居第可保圖書楊僕軍營惟聞笳吹欣故人之

杖屨致遠道之郵筒爰作短章聊存微尚抒平生

於慷慨寫盡日之羈愁庶幾同經喪亂識此襟情

雖隔山川無殊會面云爾

惆悵平生負所知尺書雖到雁來遲枕椰月暗嚴城閉鷓

鴉風高畫角悲湖裏蓬仙占昔夢洞中遇叟看殘碁脫身

哀白干戈際筍屐尋山話後期此章言晉江圍解幸免兵燹

湖裏蓬仙出纂異記齊君房事洞中遇叟出逸史黃尊師事

北府風流坐嘯清蕭郎白恰愛將迎蒜山望斷江干月荔

浦愁看海上城劉楨京口記蒜山無峯領北懸臨江中此同北府句俱言在南徐事而荔浦在平樂

府則指瞿稼軒殉粵時也劉寄關河雖險塞盧循樓艦正縱橫莫嫌戰

鼓鄉園急瓜步年來已用兵此章言京口舊游峯烟正逼原註晉江黃東崖先生和

予此詩中一聯曰徵書鄭重眠殮捐法曲淒涼涕淚橫知已之言讀之感嘆○文集余早歲受知於溫陵周芮公先生先生以吏部郎典選相國東崖黃公時在坊兩公者同里同籍有詩名余由及門後進唱酬切廟於其間者四五

年而後別去比亂離分隔余為詩以郵寄先生於閩中先生偕相國和之東崖名景昉天啟壬戌進士崇禎中相

但若盤桓便見收詔書趨迫敢淹留始知處士青門里

須傍仙人白石樓晉室衣冠依嶺嶠陳懋仁泉南雜志泉州有浯江郡志云晉

南渡時衣冠士族避越王刀劍閉林丘福州歐治池松溪  
地於此故又名晉江甚盧山皆越王鑄  
劍之少微却照南天遠榕樹峰高隱故侯此章自述迨於  
處徵書美周之獨  
免得

白鶴青猿叫晚風苦將身世訴飄蓬千灘水惡盤渦險九

曲雲迷絕磴空廣武登臨狂阮籍承明寂寞老揚雄巨源

舊日稱知己誤玷名賢啟事中此章乃及寄詩末  
嘆薦者之非知己

### 儒將

河朔功名指顧收身兼使相領諸侯按兵白道調神鷲挾

妓青山駕快牛論敵肯輸楊大眼知書不減范長頭他年

信史推儒將馬稍清談第一流

### 俠少

寶刀千值氣凌雲俠少新參龍武軍柳市博徒珠勒馬柏

堂第妓石華裙招權夜結金安上挾策朝干王長君堪咲

年年秘書客白頭空守太玄文

### 滇池鏡吹

觚騰雲南五華山永歷故宮在其上順治

國拒戰曲靖吳三桂由廣西四川旁搗其虛至黃

草壩入省城永歷遁至阿瓦三桂重購得之縊於

貴陽府求野錄永歷至緬甸三桂兵臨緬城大江

緬令數十蠻連座昇王行三里許渡江至大軍營

三桂使前鋒高得捷負之登岫擁還滇以旋聞按

此皆叙壬寅年事大兵入雲南省城則自在十六

年巳亥春正月  
初三日也

碧雞臺榭亂雲中

一統志碧雞山在雲南府城西嶙秀  
拔為諸山長俯瞰滇池一碧萬頃北麓

有碧雞關舊是梁王避暑宮

元史本傳梁王把匝刺兀爾密元  
世祖第五子雲南王忽哥赤之裔

也洪武十四年傅友德下雲南王驅  
妻子赴滇池飲藥不死入州舍自經銅柱雨來千嶂洗

志銅柱在鐵橋風定百蠻通

一統志錢橋在巨津州跨  
金沙江韋韋破吐蕃斷之朱

鳶縣小輸賓布白象營高掛柘弓誰唱太平滇海曲檳榔

花發去年紅

苴蘭城關鬱岩堯

一統志苴蘭城莊驕王  
滇時建又名昌穀城

貝葉金書使者

朝海內徵輸歸六詔天邊勳伐定三苗魚龍異樂軍中舞

風月蠻姬馬上簫莫向昆明話疏鑿道人知已劫灰消

靄翠奢香祠總荒

田汝成炎微紀聞靄翠元酋阿畫之後  
即安邦彥之祖靄翠死妻奢香代領其

衆洪武初歸附奢氏即奢崇明之祖靄翠初  
歸附時明太祖授懷遠將軍世襲宣慰使蘆笙吹徹瘴

雲黃縱擒有策新疆定叛服何常舊史亡

堯峰文鈔彭子  
錢傳吳平西將

征水西公奏記於吳日烏蒙烏撒鎮雄東川四府與水西  
為唇齒土司隴安藩又與安氏婚媾今四府雖名內附然  
狼子野心勢必顧惜其種類以水西之強而令安藩復以  
四府附之則安坤未易制也計無如席捲四府先馘安藩  
然後西南可無患矣鬼國三年勞薄伐王師五月下殊方

瀾滄肯為他人渡

一統志瀾滄源出金齒即黑水也  
本名鹿滄經沅江府城至順寧府不許

窺人有夜郎

盤江西遠七星關可渡河邊萬仞山隴上舊傳收白帝南

中今喜定烏蠻一統志盤江經烏撒府七星關在府城東南頂有七峯置防禦所府城之南即可渡

河舊名已元元姑後名匹的向自昔烏蠻居之宋時烏此

後据其地號烏撒部按此四句謂王師先收川次入滇也

龍坑壯馬看馳驟雞足高僧任往還釋藏雞足山在鄧州釋迦佛大弟子迦

葉藏脩於此二十八傳而至辛苦武侯持節處一統志在定遠縣即

達摩乃持迦葉衣鉢入中國

諸葛營也夷人稱望子洞

殘碑零落草斑斑

圓圓曲

圓圓姓陳史作陳沅按明史李自成叔吳襄被劉宗敏掠去憤甚疾歸山海襲破賊將自成怒親部賊十餘萬執襄於軍東攻山海關以別將從一片石越關外三桂懼乞降於大清四月二十一日我兵破賊關內自成奔永平殺襄還京

陳維崧婦

人集姑蘇

女子圓圓

字晚芬辰

家女子也

色藝擅一

時又曰吳

縣葉襄贈

姜垓百韵

詩有云酒

壚尋卞賽

花底出陳

圓續本事

詩伯兄有

贈晚芬絕

句瀟湘一

幅小庭妝

菡菖香餘

暮色幽細

細白雲生

枕簟夢圓

今夜不知

秋

昂湖當日棄人間破敵收京下玉關慟哭六軍俱縞素衝

冠一怒為紅顏紅顏沉落非吾戀逆賊天亡自荒讎電掃

黃巾定黑山哭罷君親再相見相見初經田竇家侯門歌

舞出如花許將戚里筵篋伎等取將軍油壁車家本姑蘇

浣花里圓圓小字嬌羅綺錢箋本常州奔牛里人夢向夫差苑裏游

宮娥擁入君王起前身合是採蓮人門前一片橫塘水橫

塘雙槳去如飛何處豪家強載歸此際豈知非薄命此時

只有淚沾衣觚賸圓圓傳田貴妃擅寵兩宮不協烽火羽

莫歸蘇將求色藝兼優者由母后進之以懽悴周嘉定伯以營

紆宵旰憂且分西宮之寵購圓圓載以北薰天意氣連宮

掖明眸皓齒無人惜奪歸永巷閉良家教就新教傾坐客  
圓圓傳一日侍后側上見之問所從來后對供御鮮同里  
茲女吳人且嫺崑伎令侍櫛盥耳上制於貴妃復念國事  
不甚顧遂命遣坐客飛觴紅日暮一曲哀弦向誰訴白哲  
還仍入周邸

通侯最少年揀取花枝屢回顧早攜嬌鳥出樊籠待得銀

河幾時渡恨煞軍書抵死催苦留後約將人誤  
圓圓傳延陵方為上

倚重奉詔出鎮山海嘉定伯錢之甲第停厄流眄深屬意  
焉詰朝使人道情陞辭上賜三千金分千金為聘限迫即  
行未及娶也喜定感相約恩深相見難一朝蟻賊滿長安  
醫媵送其父寒家

可憐思婦樓頭柳認作天邊粉絮看遍索綠珠圍內第強

呼絳樹出雕闌若非壯士全師勝爭得蛾眉匹馬還  
圓圓傳闕

賊陷京巨室悉加係累初索金帛次錄人產挾裹以括其  
子家人潛至帳前約降忽問陳娘何在使以籍入告大怒  
按劍即作書與襄誅勒軍入蛾眉馬上傳呼進雲鬢不整  
關隨天旅西下殄賊過半也

驚魂定蠟炬迎來在戰場啼粧滿面殘紅印  
圓圓傳賊棄京出走十八

營解散各委其輜重婦女於途延陵追度故關至山西尚  
未知圓圓之存亡也其部將已於都城搜訪得之飛騎傳  
送延陵方駐師絳州將渡河聞之大喜遂於玉帳專征簫  
結五樓綵備翟弟之服旌旆簫鼓三十里親迎

鼓向奏川金牛道上車千乘斜谷雲深起畫樓散關月落

開粧鏡傳來消息滿江鄉烏柏紅經十度霜教曲妓師憐

尚在浣紗女伴憶同行舊巢共是銜泥燕飛上枝頭變鳳

凰長向尊前悲老大有人夫婿擅侯王  
圓圓傳自此由秦入蜀迄於東鉞滇

雲垂梳河海人臣之位已極圓圓匹合大藩回憶當年牽  
蘿幽谷挾瑟勾闌時豈復思有今日是以鶴市蓮塘採香  
舊侶艷此奇逢咸當時祇受聲名累貴戚名豪競延致一  
有吐咳九天之美

斛明珠萬斛愁關山漂泊腰肢細錯怨狂風颺落花無邊

春色來天地圓圓傳圓圓容辭開雅頹秀願豐年十八隸籍梨園每一登場花明雪艷獨出冠時按愚

谷集清華鎮飄花題壁曰妾香閨弱質二八從軍身辱行  
虧不敢以家氏姓名污人耳目自命飄花一以自恨一以

自憐三年歷盡艱辛於今兩過茲鎮重經生感有興成詩  
奈為癡奴所逼不能成韵留待後人代成余意此正同時

之事知錯怨句實有所指嘗聞傾國與傾城翻使周郎受重名妻子豈

應關大計英雄無奈是多情全家白骨成灰土一代紅粧

照汗青圓圓傳賦憤襄殺之懸其首於竿襄家三十六口俱遭慘屠蓋延陵已有正室止遇害而圓圓翻以

籍入無名君不見館娃初起鴛鴦宿越女如花看不足香徑塵

生烏自啼廩廊人去苔空綠換羽移宮萬里愁珠歌翠舞

古梁州為君別唱吳宮曲漢水東南日夜流圓圓傳居久之延陵潛畜

異謀圓圓請為女道士日以藥鑪經卷自隨癸丑延陵稱  
逆戊午滇南平籍其家入禁掖圓圓名氏獨不見沈虬圓  
圓偶記吳自鎮滇以至逆節二十年來久不聞圓圓消息  
癸未冬於西陵遇歸安公公故令滇訪其遺事曰有之彼  
處稱邢太太而非陳也述吳娶邢始末更悉意陳為鴛母  
姓而邢其本姓也邢在王第中名最貴盛然別居一院黃  
冠羽衣茹素自居晏會皆不與按其時三桂有女嫁  
王永寧方蘇州拙政園故結云別唱吳宮曲之句

脫居字

秋夜不寐

秋多入眾音不寐夜沉沉浩劫安危計浮生久暫心隣雞



殘夢斷牕雨一燈深薄冷披衣起晨鳥已滿林

贈武林李笠翁

原註笠翁名漁能為唐人小說兼以金元辭曲知名

家近西陵住薜蘿十年才調歲蹉跎江湖笑傲誇齊贅雲

雨荒唐憶楚娥海外九州書志怪坐中三疊舞回波前身

合是玄真子一笠滄浪自放歌

贈崑山令王莘雲尊人杏翁

原註永平人。名簡由拔貢任志作撫寧人

半載江南客未深玉山秋靜夜沉吟九邊田牧思班壹三

輔交游識季心快馬柳城常命酒軟輿花縣暫聞琴白頭

閒說西京事曾記循良久賜金

原註莘雲有能名未半載以錢糧報罷

本事詩註  
尤悔菴又  
有詩云十  
郎才調福  
無雙雙燕  
雙鶯語小  
窻送寒客  
留髡休滅  
燭要看花  
睡照銀缸  
於是北里  
南曲中無  
不知有李  
十郎者  
莘雲以順  
治十六年

九月任十  
七年八月  
劾去

贈錢受明

受明名鏞由太倉州庠生入太學

獨喜營時譽疎通蕩等倫地從諸父重性似外家貧裘馬  
無他好詩書別有神古來傳孝謹非必守前人

受明得子柬賀

文集錢臣辰之長兄都諫曼脩與余同舉進士余兄弟三人都諫兄弟七

人孚令少於余十歲臣辰少於都諫十二歲孚令以女女臣辰之子受明按臣辰名陞曼脩名增字哀卿崇禎辛未進士由行人陞吏科給事中餘見前

長因故人子往事憶流連曾忝充閭會

謂受明生時 俄逢拜來

年諸甥今甫爾入抱却依然吾老猶堪待公卿只眼前

客談雲間帥坐中事

董含三岡識畧馬達知初名進寶起家群盜由浙移鎮雲間性

貪橫自奉借侈百姓殷實者械至倒懸之醋灌其  
鼻無不傾其所有死者無筭復廣占民廬縱兵四  
掠出劫

五茸繚管妓堂秋奪得娥眉付主謳豈是絕纓諸將會偶  
因行酒故人留青尊有恨攀他手白削無情笑者頭若遇  
季倫西市日可宜還墮綠珠樓

送王子維夏以牽染北行

婁東耆舊傳王吳字維夏號碩園穎異博學克繼鳳

麟二洲後鞞鐸詞文四方名士颺會景附奏銷後已未舉博學宏詞科授內閣中書舍人不及受命而卒此云牽染北行者以奏銷案絀名欠籍逮赴部訊也堅匏集江南奏銷之獄起於巡撫朱國治欲陷考功員外郎顧予咸株連一省人士無脫者新蘇州府志庚子十二月吳縣令任維初山西石

樓人以貢生來任虐刑婪賄逼倉吏吳行之糶糧  
七百石明年二月章皇帝遺詔下哭臨之第三  
日諸生倪用賓等列訟之於巡撫朱國治畀蘇常  
道王紀訊之連行之勘供諸生發知府余廉徵羈  
候而維初仍回任次日生金人瑞丁瀾等因哭文  
廟教授程邑申報朱始摘維初印拘土地祠維初  
大言巡撫索賄故我糶糧朱遂以諸生驚擾哭臨  
意在謀叛疏聞銜在籍吏部郎顧予咸株連之適  
差滿大臣至江寧審金壇叛招并訊題覆部議覆  
准倪用賓沈珮頤偉業薛爾張姚剛丁瀾金人瑞  
王重儒八人典刑家產入官妻孥流徙張韓來獻  
祺丁觀生朱時若朱章培周江徐玠葉琪唐堯治  
馮郵十人本身典刑其顧子咸疏中有諸生送揭  
予咸擲地不觀之語所擬草職籍沒罪絞奉旨俱  
免維初復任後因白糧經費遲延  
部議降調貪敗勘實絞決於省城

晚歲論時輩空羣汝擅能祇疑櫟陽逮猶是濟南徵名字

供人借文章召鬼憎阿戎才地在到此亦何憑  
二十輕當世愁君門戶難比來狂太減翻致禍無端落本  
鄉關遠疲驢道路寒敝衣王謝物請勿笑南冠

客睡愁頻起霜天貫索明此中多將相何事一書生末俗

高門賤

堅瓠集周江字貞履多才思有盛名時亦為國治所劾與金人瑞聖嘆同誅死

清時頌繫

輕為文投獄吏歸去就躬耕

但可寬幽繫從教察孝廉昔人能薦達名士出髡鉗世局  
胥靡夢生涯季主占定聞收杜篤寧止放江淹

### 別維夏

惆悵書生萬事非赭衣今抵舊烏衣六朝門第鴉啼遠九

月關河木葉飛庾嶺故人猶未別

原註維夏叔增城公子彦

燕山游子

早應歸正逢漉酒登高會執手西風嘆落暉

### 哭亡女

喪亂才生汝全家竄道邊畏啼思便棄得免意加憐兒女

關餘劫干戈逼小年興亡天下事追感倍悽然

見前避亂詩

一慟憐渠幼他鄉失母時止因身未隕每恨見無期白骨

投懷抱黃泉訴別離相依三尺土腸斷孝娥碑

扶病常聞亂漂零實可憂危時難共濟短筭亦良謀訣絕

頻携手傷心但舉頭昨宵還勸我不必淚長流

王增城子彥罷官戾子留滯不歸近傳口信不得一

字詩以歎之

老狗妻孥意辭家苦萬端關心惟少子失計在微官客夢

烏衣巷鄉愁白石灘可憐消息到猶作兩人看

庾嶺應逢雁章江莫寄魚遙知雙淚盡不遣一行書家在

無歸趣途窮失所知故鄉宜早去臨發乃長吁

送張玉甲憲長之官邛雅

玉甲名能麟順天大興人順治丁亥進士乙未提學

江南陳周侯筆記能麟以御史繼石申任學政竿牘更甚於申新生四十人皆阿堵也士氣為沮喪

秋水連天棹五湖勞勞亭畔客心孤飄蓬宦跡空迢遞浩

劫山川尚有無石鏡開花唯自照那箇憶酒向誰酌蕭條

大散關頭路匹馬西風入畫圖

劍外新傳一道通十年羣盜漫稱雄橫刀割取青神渡烈

火燒殘白帝宮

徐岳見聞錄曾公子不知何許人張獻忠入川曾聚眾數十萬假其號擾於川部有

女將董瓊英年十八九亦聚眾入黨從者萬人攻劫郡邑無不與焉一日俘射洪崔秀才嫁之但置帳中軍令不及

也及曾敗死收其眾至十餘萬擾巫夔間又數年董以產子死崔即其眾降於楚帥豈有山川歸李

特猶能車馬識文翁誰將牛斗龍泉氣移在天彭井絡中

原註張從江南學使者遷是職

岷峨悽愴百蠻秋路折叩嶸九坂愁城裏白雲從地出馬

前黑水向人流蜀道驛程記青羊水西南至武關北褒水從東來注之俗曰黑龍江下嶺即古陳倉

道松番將在看高卧雪嶺僧歸話遠游欲問辟支諸佛土

貝多羅樹即關頭原註雅州關外即烏思藏

錦官春色故依然料理蠶叢半壁天葛相祠堂尋有蹟誰

玄門戶訪誰傳十七帖云譙周有孫高尚不出今為所在其人以副此志不王弘撰十七帖述名

秀字玄彥此云譙國玄即秀也還家杜宇三更夢寄遠苜蓿十樣箋此去

壯游何所恨思君長問楚江船

寄懷陳直方

直方名容永順天甲午舉人相國之適子公壻也文集相國謫瀋陽取最少子

從其二在南獨留直方京師饋醫藥通音問相國  
疽發背直方孱然少年從一醫一童子出關踣千  
里絕跡無人地以省其父已而相國召入再以他  
事下請室直方在外舍未就執得以其身變服省  
視塗炭奔走見者殆不復識獄讞全家徙遼左直  
方右目眇於律得贖乃株送者盡室在南部檄屢  
不前居兩月有後命直  
方竟與諸兄弟同遣焉

漢法三冬繫秦關萬里流可憐諸子壯不料闔門收要路

冤誰救寬恩病獨留羈栖騎瘦馬風雪阻他州

百口風波大三生夢寐真膏梁虛早歲辛苦得前身見聞錄陳

容永與閩汀黎媿曾北場甲午同門一日謂媿曾曰吾恐  
不能數面子媿曾駭問之曰予知四世事初為蜀通判子  
再世為王孫三世為京師竹林寺僧一日放參有婦女群  
過偶一目之遂墮落至此雖為宰相子數當早死否則必

罹兵厄未  
幾果成死  
索米芒鞋雪傭書布帽塵不知公府掾可識路  
旁人

萬事偶相值愁中且遣家江山俄轉戰妻子又天涯客酒  
消殘漏軍書過落花出門翻自笑安穩只龍沙

時世高門懼似君誠又稀何辜憂并坐即免忍先歸苦語

思持滿文集當相國父中丞公初以婚請余難之曰勞生

羨息機向來兄弟輩裘馬自輕肥文集陳氏子弟皆厚  
自封殖直方無私才

織婦詞志織造也見  
前七律詩

黃繭繰絲不成匹停梭倚柱空太息少時織綺貢尚方官

家曾給千金直孔雀蒲桃新樣改異繡奇文不遑識盧氏  
雜記

盧氏子逆旅逢一人世織綾錦云如今花樣與前  
不同伎倆兒以文線求售者不重於世且束歸去桑枝漸

枯蠶已老中使南來催作早齊紈曾縞車班班西出玉關

賤如草黃龍袂子紫橐駝千箱萬疊奈爾何

哭中書趙友沂兼柬其尊甫洞門都憲洞門名開心  
歷官尚書

長沙才子九江船御史臺西月正圓兩省親朋歡笑日一

官詩酒亂離年朱樓有淚看楊柳白髮無家聽杜鵑太息

賈生歸朱得湘花湘草夕陽邊

假寐得月

今世說洞  
門為御史  
大夫車馬  
輻輳及罷  
歸出國門  
送者纒三  
數人尋古  
還前去若  
復來獨吳  
園次不以  
欣戚改觀  
友沂早世  
洞門以痛

子沒於客  
邸兩孫孤  
立園次哀  
而眠之撫  
其幼者字  
以愛女  
墨吏指常  
熟令瞿四  
達後為巡  
按秦公世  
楨參治下  
獄死

滅燭貪涼夜牕陰夢不成雲從閉目過月向舉頭生樹黑  
添深影溪長耐獨行故人多萬里相望祇盈盈

贈學易友人吳燕餘

燕餘常熟人許旭秋水集燕餘  
杜門註易据拾自資今日之承

宮也為墨吏所辱抱恨  
而死此詩正嘆恨其事

風雨菰蘆宿火紅胥靡憔悴過牆東吞艾夢逐虞生放端

笑占成屈子窮縱絕三編身世外橫添一畫是非中道人

莫訝姚平笑六十應稱未濟翁

秋水集燕餘時年六十有  
四故梅村詩中有此稱

註就梁丘早十季石壕呼怒筆門前范升免後成何用甯

越鞭來絕可憐人世催科逢此地吾生憂患在先天從今

郕上田休種簾肆無家取百錢

苦雨

齊民月令白露  
後雨謂之苦雨

響苦滴殘更愁中耳倍明生涯貪舊業天意誤躬耕乞火  
泥連屋輸租潦滿城誰家歌舞宴徹曉不聞聲

遣悶

殊風泠泠蛩唧唧中夜起坐長太息我初避兵去城邑田  
野相逢半相親識扁舟遇雨烟村出白版溪門主人立黍  
雞黍開樽笑延入手持釣竿前拜揖十載鄉園變蕭瑟父  
老誅求窮到骨一朝戎馬生倉猝婦人抱子草間匿津亭

無船渡不得一朝戎馬以下謂順治十六年海上之變州人荒遽避亂莫知所托故追思前者遠適磬清湖之仰視烏鵲營其巢天邊矰繳猶能逃我獨何為委蓬蒿搔首回望明星高

雞既鳴矣升高堂問我消息來何方欲語不語心彷徨當年奔走雖茫茫兩親筋力走風霜上有王母方安康下有新婦相扶將小妹中夜縫衣裳百口共到南湖莊只今零落將誰望出門一步紛蝸蟻十人五人委道旁去鄉五載重相見江湖到處逢征戰一家未遂昇平願百年那得長貧賤問我消息來何方問冠之消息也去鄉五載重相見謂應召出山補詹事復以嗣母難歸也此間歲月用

行狀考之自見

人生豈不由時命萬事憂愁感雙鬢兄弟三人我衰病齒牙落盡誰能信疇昔文章傾萬乘道旁爭欲知名姓復社紀略

辛未公得會元溫體仁構飛語傾之周宜興急以元卷進呈烈皇帝手批正大博雅足式詭靡八字譏始不得行

中年讀易甘肥遯歸來擬展雲山興赤城黃海東南勝故園烽火憂三徑京汴戰骨無人問愁吟獨向南樓凭風塵咫尺何時定鄭成功陷鎮江知府戴可進等六人副將高謙等十四人皆降紳士拒戰者殲焉故人往日燔妻我因親在何敢死憔悴而今困於此欲往從之媿青史

往日燔妻子脫子字



生男喜歡生女憐嗟我無子誰尤天傷心女七盡亡母啾  
啾乳燕枝難安先生九女一血女淚啼關干第姑嶺表無時尚止七

書傳一女家破歸間關良人在北愁成邊更有一女憂烽

烟圍城六月江風寒此所云三壻一為王天植王子彥瑞國子子彥罷官不歸見前王昊碩園

集亦有虞涇叔自嶺南棄官歸阻兵未得抵家懷詩一為陳直方相國之遜子相國全家配邊更有一女謂歸洞城何氏者也時薛州雖平而金穀桓王得仁亂江右攻戰未息故憂烽烟使我念此增辛酸其

餘燈下行差肩見人悲嘆殊無端携手游戲盈牀前相思  
夜闌更翦燭嚴城鼓聲震林木衆離怖向牀頭伏搖手禁

之不敢哭

舍南春水成清渠其上高柳三五株草閣窈窕花扶疎園  
有菜茹池有魚蓬頭奴子推鹿車藝瓜既熟分里閭忽聞  
兵馬來城隅南翁北叟當窓趨我把耒鋤心躊躇問言不  
答將無愚老大無成灌蔬壤暫息干戈竊偃仰舍之出門  
更何往手種松杉已成長

白頭儒生良自苦獨抱陳編住環堵身歷燕南遍齊魯摩  
挲漆經觀石鼓上探高周過三五矻矻窮年竟奚補岫嶺  
山頭祝融火百王遺文棄如土馬矢高於矍相圍笈釋蟲  
魚付榛莽寓言何必齊莊周屬辭何必通春秋一字不向

人間留亂離已矣吾無憂

壽繼起和尚

故山東望路微茫講樹秋風老看霜不羨紫衣誇妙相惟  
憑白足遍諸方隨雲舒卷身兼杖與月空明詩一囊台頂  
最高三萬丈道人心在赤城梁

過三峰藥公話舊

藥公詳後昭文縣志三峰清涼禪寺額為聖祖御書重岩復嶺巖

峯相屬草木芳馨不變貞姜其寺未詳所始萬歷時高僧漢月改闢遂為禪教祖庭

霜落千峰曳杖尋筍與衝雨過高林埋書草沒松根史洗

鉢泉流石磴琴

昭文縣志興福寺臨破龍澗松餘六朝鐘賜唐代氣像雄尊結構古穆諸寺之冠也

萬事幾經黃葉夢三生難負碧潭心

昭文縣志破山有空心潭以常建詩得名

山童不省團圞話

林逋集可惜大雅志意比小團圞用高僧語錄大家團圞頭聽說無生話

打溪鐘夜未深

三峰秋曉

曉色近諸天霜空萬象懸雞鳴松頂日僧語石房烟

大石山房

見清磬秀羣木幽花香一泉欲叅黃檗義便向北中傳

題華山藥菴和尚畫像

明史本傳熊開元字魚山嘉魚人天啟五年進士知崇明

洪州王藥禪師名希運百丈山懷海法嗣也幼於本州王藥山出家後往石門叅百丈

縣調吳江崇禎四年徵授吏科給事中中官王應期監視閑寧軍馬疏爭不納王化貞久繫不決化貞卒正法尋取秩十三年遷行人司副會帝求言開元請見德政殿欲發輔臣周延儒罪以其在

側不敢言且補牘兵部侍郎馮元颺責開元首輔  
多引賢者首輔退賢者且盡逐開元意動禮部郎  
中吳昌時開元知吳江時所拔士也復致書言之  
開元乃止述奏辭不更及延儒他事帝得奏大怒  
令錦衣衛逮治衛帥賂養性開元因盡發延儒之私養  
以獄上帝益怒命嚴訊開元因盡發延儒之私養  
性具以聞帝乃廷杖開元繫獄十餘年六月延儒  
罷言官多救開元者明年遣戍杭州未幾京師陷  
福王召起吏科給事中母艱不赴唐王立起工科  
左給事中連擢太常卿左僉都御史隨進東閣大  
學士乞假歸汀州破棄家  
為僧隱蘇州之靈岩以終

清如黃鵠矯如龍浩劫長撐不壞松四國雞壇趨北面千

三岡識畧  
道忞字木

年雪嶺啟南宗

原註西銘復社漢月禪燈皆師令吳江時  
身所興起○西銘復社謂張西銘初為尹

陳曾主天  
童法席出

山大會魚山實為社主也文集法藏字漢月無錫蘇氏子  
自謂得心於高峰得法於覺範得源流於金粟悟和尚而

院後費隱其始終如護者則在覺範之綱宗綱宗者全提五家宗旨  
通公刺書而於臨濟則一句分明之中有玄有要賓主歷然因著五  
聲其罪三宗原世所稱三峰禪者也湯顯祖玉茗堂集五燈會元序  
峰漢月禪迦葉拈花別開一路持衣示信祇因此土文習業深因緣  
師本陳之依文不捨故其五葉兜孫惟用一翻字法門掃除文鄣直  
兄也刻有指心地其於文字蓋亦無幾矣而見色聞聲見聞為倚至  
五宗原一臨濟棒唱一施生死本除既已搗穴焚巢豈非祖家一快  
書本陳隨而狂慧一啟直贖轉紛不得已分其正偏別其實主則雲  
著五宗關門法眼之苦心而曹洞以來不失之家法也若如瀉仰父  
詞極呵訾子默相指授以忠國師三十六字傳心其事類漢唐之護  
漢月門人秦璽實乃周孔之守義畫耳既使文字之徒無處住足  
復作五宗今棒喝之流無從下口玄法至此辨統益嚴究其指歸要  
救以正之不過一直指心

總銷隨諫草故人已隱祝融峰  
原註繼公隱南  
嶽檠公本師也

西南天地嘆無歸漂泊干戈愛息機黃檗禪心清磬冷白

雲鄉樹遠帆微

現果隨錄撫州疎山白雲寺為

全生詔獄

同官在

原註指

乞食江城故老稀

原註

布衲綻來還自笑

篋中血裹舊朝衣

結句謂熊公所著擊筑餘音

偕顧伊人晚從維摩踰嶺宿破山寺

顧伊人破山寺俱已見前常熟

縣志維摩禪寺在虞山上宋隆興元年僧法運建  
舊名石室維摩菴有石井名湧泉淳熙三年丞相  
曾懷請為功德院賜額顯親資福  
禪院洪武中僧壽松重建賜今額

樹老不言處秋深無事中雲根僧過白霜信客來紅樵語

隔林火茶烟小院風杳然松下路人影石橋東

維摩楓林絕勝則公獨閉關結足出新詩見示

州乘備採

則公名華通太倉人出家靈隱為具德  
和尚弟子曾主席雙鳳鎮之法輪寺

遇賞只枯坐秋林自看霜道心黃葉澹勝事白雲忘澗水

通茶竈山花對石牀靜中幽思足為我出詩囊

夜發破山寺別鶴如上人

得來松下宿初月澹相親山近住難定僧高別更真暗泉

隨去馬急葉捲歸人過盡碧雲處我心慚隱淪

高涼司馬行

原註贈孫孝若○昭文縣志孫魯字孝  
若號沂水朝肅子順治壬辰進士授衢

州司李量移高州同知缺裁補給興陞知大同府  
地邊徵俗樸僊以禮讓化之值三藩叛逆邊鎖告  
嚴魯慎固封守兵民安堵母老請終養歸北蓋送  
其同知高州耳一統志高州古越地秦屬南海郡

漢曰高涼三國吳曰高興據梧齋塵談俗以同知為司馬本沿唐人刺史司馬之稱然唐人知其不典時以隱語別之耳目記唐武宗時真定縣宰李尚以守梨樹不謹曾風折一枝降為冀州典午

高涼司馬才如龍眼看變化疇人中豪華公子作能吏刻

苦不與尋常同十年太末聲名好一統志衢州春秋越西鄙姑蔑地秦曰太末

隨牒卑車向嶺表猿嘯天邊雁北飛相思不斷如春草官

清喜得鄉園近載米嘗聞上山郡此去雖持合浦珠炎洲

何處沽佳醞君今萬事隨雙屐浮踪豈必嗟行役婚嫁初

完身計空掉頭且作天涯客江南賦稅愁連天笑余賣盡

江南田京華權貴書盈寸笑余不作京華信平生聲伎羅

滿前襍被獨上孤蓬船到日蘭芽開百本飽啖荔枝寧論

錢故舊三人腸幾轉白頭老輩攤吟卷王宰丹青價自高

周郎酒興愁來減王謂王石谷輩周謂周孝逸雲驥也文集余贈孫孝維詩有曲江花落悟浮名

句蓋指扶桑也吾友周孝逸歸自尚湖携諸子唱和之作感舊論心纏綿惻愴確菴文藁孝逸所居逸園故琅琊舊宅日焚香灑掃讀書其中為人原本忠孝不畏強禦所著古文辭激昂慷慨有龍泉太阿斷蛟刺犀之概三衢

橘柚廣州柑夢遶江南與海南吾谷霜楓回首處錯認桃

榔是鄉樹

贈張以韜來鶴詩昭文縣志張文鉞字以韜新安人好聚書畫有白鶴下庭不去因顏

其堂曰來鶴名人題咏子道浚字廷先學晉人書鼓琴畫竹備然脩潔之士

草聖傳家久著聞  
斗看孤鶴下層雲  
路從蓬島三山遠  
影落琴川七水分  
自是昂藏矜鳳侶  
休教嫉妬報雞羣  
春風一樹梅花發  
耐守寒香孰似君

題畫

澤潞千山遠  
訟堂江程到  
日海城荒  
王郎妙手驅名勝  
廳壁雲生見太行

八詠樓頭翠萬重  
使君家傍洞門松  
不知尺許蒼茫裏  
誰是雙溪第一峰

臺池蕭瑟故園秋  
庾嶺朱輪感昔游  
文采尚存先業廢  
紙

此首似題  
王廉州畫

窓風雨寫滄洲

太守囊唯賣畫錢  
琴書長在釣魚船  
長官近欲知名姓  
築屋江村擬種田

題海虞孫子長七十壽圖

昭文縣志孫永祚字子長號雪屋崇禎乙亥拔貢授

推官弗赴隱居教授從學者傾郡縣每語弟子曰文章事業不從五倫中出者猶為無本之學身長八尺鬚眉如畫雖居閒處獨氣體肅然品行端潔穿貫經史著古文詩賦甚富有夜氣箴雪屋集

春秋註就授生徒  
虞仲祠前一老夫  
烏几看雲吟笛閣  
布

帆衝雨醉菱湖空  
山撫操彈三峽故  
國興懷賦兩都同  
輩

半非身健在為誰  
寫入煉丹圖

原註虞有徐神翁煉丹處

觀蜀鵑啼劇有感

并序。此詩書贈嶼雪時多題跋西堂雜組所載其一也茲不錄

蜀鵑啼者丘子嶼雪為吾兄成都令志衍作也

文昭

縣志立嶼雪名園常熟人東海侯岳之後隱居搗丘跌蕩不羈縱浪詩酒善度曲被新聲蜀鵑啼外又有歲寒松諸樂志衍一官遠宦萬里嚴裝愛弟府皆有元人之遺

從行故人送別上游梗塞盡室扶携既舍水而登

山甫自滇而入蜀北都覆沒西土淪亡身殉封疆

家罹鋒鏑嗚呼三十六口痛碧血之何存一百八

盤拾游魂而莫反無兒可托有弟言歸竄身荆棘

之林乞食猥猥之俗望蠻烟而奔走脫賊刃以崎

嶇恥趙禮之獨全赤眉何酷恨童烏之不免黃口

奚辜

委東耆舊傳述善字事衍年甫冠從兄宦成都志衍知不可守謀寄孥雅州以長子孫慈

為托雅州守王國成素與賊通允王府縉紳眷屬在境中者盡報賊囚送成都公家三十六口悉在行中事行踰垣得脫匿一祠中少定乃緩步而前人以其無遠色不致詰藏伍伯表姓家既廉知舉家被難狀唯不見孫慈冀萬一得全賊虐甚毒乃他竄宵行晝夜伏藪草飲泉雖隆冬無寸綿蔽體手足瘁裂變姓名為傭賣屨爰將委巷之謳展作自給萬死間關得還桑梓

巴渝之舞庾子山之賦傷心時方板蕩素山松之

歌行路聞且歎歔余也老遜歡游閒逢浩唱在中

年早傷於哀樂況昔夢重感乎交朋豈獨伍相窮

來憐者有同聲之嘆遂使雍門曲罷泣烏如亡邑  
之人瞻望兄兮猶來思悲翁而不見蘭堂客散金  
谷詩成非闕聽伎之吟聊當懷人之什爾

花發春江望眼空杜鵑聲切盡簾通親朋形影燈前月家  
國音書笛裏風百口悔教從鳥道一官催去墮蠶叢雪山  
盜賊今何處腸斷篴篥曲未終

江關蕭瑟片帆留策馬俄成萬里游失計未能全愛子

東

者舊傳事行於乙酉春夏間南走汴津北奔劍閣時往來  
成都冀遇孫慈後得郾縣傅某信云初為偽相汪某偽將  
王某所匿兩人見年幼憐之欲養  
為子後慮事泄告獻賊并殺之端居何用覓封侯雲山

已斷中宵夢弦筦猶聞舊日樓

所謂五  
桂樓也

二月東風歌水調

鶴鴿原上使人愁

平生兄弟劇流連高會南樓盡少年

確菴文稿其入蜀也  
置酒張樂伶工奏精

忠樂府音節悲壯  
座客人人泣下往事酒杯來夢裏新聲歌板出花前青

城道士看游戲白髮衰翁漫放顛雙淚正垂俄一笑認君

真已作神仙

原註劇中志  
衍兵解仙去

過盡蠻江與瘴河還家有弟脫兵戈

婁東耆舊傳事行圖  
東歸而語雜吳蜀類

遭詰且土盜侵掠不能出境復逃入邛州孫孝廉家孝廉  
別號飛谷前江南督學孫六老之子有北海賓石之風匿  
之別室後偕逃入天全六番得以不  
死顛沛共四年扶服萬里跣足而歸狂從劇益千場博老



愛優旃一曲歌紅豆花開聲宛轉綠楊枝動舞婆娑不堪  
唱徹關山調血淚游魂可奈何婁東耆舊傳事衍彷彿蕭氏  
亂離之志叙蒙難始末人  
呈一通且云成都一大都會富麗甲天下一旦城郭盡圮  
白骨山積所屬三十餘縣人民盡殲再過其地唯見鬼磷  
血迹荒烟  
蔓草而已

### 觀王石谷山水圖歌

昭文縣志王翬字石谷號畊烟  
子幼募一二名跡王廉州鑑一

見奇之與奉常時敏邀致西田別墅畫發所藏相  
與探尋業益進名益起常奉詔繪南巡圖一時公  
卿題贈卷軸如牛腰年逾八十猶盤  
薄不衰四方爭走金幣冀獲其真者

世間勝事誰能識兵戈老盡丹青客真宰英靈厭寂寞江  
山幻出王郎筆王郎展卷閒窓淨良久呼之曾不應剪水

雙瞳鎮日看側身似向千峰進一時儒雅高江東氣韻吾

推里兩翁

里西翁謂王奉常遜之王廉州立照也見畫中  
九友歌以下皆叙兩翁之畫原名石谷畫之所

師承師授雖真肯沿襲後生更自開既蟲叢取象經營巧且密

丰神點拂天然中頓挫淋漓寫胸臆研精毫髮摹宗工

此宗

工指王叔明蒙

廣陵花月扁舟送貴戚豪華感供奉不惜黃金購

畫圖好奇徃徃輕南宋妙手裝演伎絕倫殘縑斷墨俄飛

動闔閭城下收藏家誅求到骨愁生涯僅存數軸用娛老

載去西風響鹿車

此語公自謂

君也侯門跋珠履

此下入石谷

晴日

湘簾憑盡几奕罷雙童捧篋來狎客何知亦咨美笑持茗

椀聽王郎鑒別妍媸臻妙理作者風流異代逢賞心拊掌  
王孫喜枉買青娥十萬錢移人尤物唯山水王郎馳譽滿  
通都軟裘快馬還東吳道邊相識半窮餓致身猶是憂妻  
孥羨君人材為世出盛年絕藝須難得好求真訣走名山  
粉本終南兼少室攬取荆關入手中

王概學畫淺說畫有南北二宗南宗則王

摩詰始用渲淡一變鈎斫之法其傳為張璪荆浩關仝郭忠恕董源巨然米氏父子以至元之四大家六祖之後馬駒雲門也又曰自唐宋荆關董巨以異代齊名成四大家後李唐劉松年馬遠夏珪則為南渡四大家趙孟頫吳鎮黃公望王蒙為元四大家

歸帆重補烟江色謂烟江疊郭圖也

深處搦管松根醉箕踞絹素流傳天壤間白雲萬里飛來

去

### 題王石谷畫

綠樹參差倚碧天波光瀲灩尚湖船烟巒自遶王維豎不  
必重參畫裏禪

初冬景物未蕭條紅葉青山色尚嬌一幅天然圖畫裏維  
摩僧寺破山橋

### 題錢黍谷畫蘭

原註為素重其謀祝。黍谷名朝昂

正卿確菴文稿黍谷家虞山之麓有樓三楹軒窓  
闌楣與山相接以趙松雪所書山滿樓額額其楣  
黍谷雅善鼓琴暮西香草作正書其多藝有如  
此者。素重其名駿蘇州人有孝行州人錢右尊

之妻父右尊名墨  
康熙辛酉科舉人

謝家燕子鬱金堂  
玉樹東風透砌長  
帶得宜男春鬪草  
衆中推讓杜蘭香

北堂萱草戀王孫  
膝下含飴阿母恩  
錯認清郎貪臥雪  
生兒強比魏蘭根

許九日顧伊人和元人齋中雜咏詩成持示戲效其

體元人楊載集有東陽十題詩此  
八體外合賦表卧鐘為十也

焦桐

流落中郎怨熏風  
意乍開嚮因知己  
出歌為逐臣哀一曲

尊前奏千金爨下材  
漢家忘厝火絕調過江來

蠹簡

飽食終何用難全不朽名  
秦灰招鼠盜魯壁竄鯁生  
刀筆偏無害神仙豈易成  
却留殘闕處付與豎儒爭

殘畫

原自無多筆年深色便凋  
茶烟衝雨過竹粉遇風飄  
童懶屏從墮兒頑墨誤描  
六朝金粉地落木更蕭蕭

舊劍

此豈封侯日摩挲憶往年  
恩仇當酒後關塞卽燈前  
解衣

將誰贈輸來不值錢不逢張壯武辜負寶刀篇

破硯

一擲南唐恨拋殘剩石頭江山形半截寶玉氣全收洗墨池成玦窺書月仰鈎記曾疏關失望斷紫雲愁

廢檠

憶曾同不寐棄置亦何心喜伴疎窻冷愁添老屋深書將鄰火映夢共佛燈沉莫嘆蘭膏燼應無黠鼠侵

塵鏡

舉目風塵暗全遮皓魄輝休嗟青鏡改憐我白頭非秦女

粧猶在陳宮淚乍揮不知徐孺子負局幾時歸

斷碑

妙蹟多刊缺天然反失真銷亡關世代洗刷見精神搨處懸厓險裝來斷墨新正從毫髮辨半字亦先秦

送贑州曾庭聞孝廉移家寧夏

曾晚初名傳燈字楚田後改名晚字庭聞

江西寧都人順治丁酉舉人弟傳燦字青黎著有止山集

十年走馬向天涯回首關河數暮鴉大庾嶺頭初罷戰賀

蘭山下不思家

箕城雜綴賀蘭山在寧夏城西六十里高出雲表延亘六百餘里山上多青白草望

如駁馬夷人呼駁馬為賀蘭故名有賀蘭各部落駐牧山後其地甚廣與青海西羌相接詩成蹟裏因

聞雁書到江南定落花夜半酒樓羌笛起軟裘衝雪踏鳴

沙

贈何匡山

嘉定縣志何平字匡山嘉定人由順天籍中崇禎庚辰進士知高密縣歷儀制司主

事江寧分巡福建督糧道布政司右參議

早年納節臥滄浪回首風塵鬢髮蒼陶令軍營姑熟口

原註犬兵收漂陽參其軍事

謝公游野石門莊

原註後僑寓溧陽太白所謂石門精舍即其地

○按石門莊即石屋山傳歐冶子鑄劍處也

山田種後輸常稅海國歸來認故

鄉原註何本膠城人今歸

二月村居春雨足官梅花發為何郎

賦得西隱寺古松

原註次葉詠菴韻贈陸翼王○嘉定縣志西隱寺在縣西北清境塘

上元泰定元年僧悅可建大雄殿前羅漢松二株相對大可合抱不甚高而枝幹奇古如鐵石蓋三四百年物今殿毀松榮茂如故葉詠菴名芳藹崑山人順治乙未進士由翰林歷官刑部侍郎大學士卒謚文敏陸翼王名元輔號菊隱嘉定人黃蘊生門人蘊生殉義翼王為葺其遺集

誰將東海月掛在一株松

鄭元祐僑吳集題西隱寺古松詩月到中庭開碧落星從南極

上滄溟千年一息那伽定長結慈雲擁帝青此起句用其語

偃蓋荒祠暗槎牙蘚石封

寒生高士骨瘦入定僧容絕頂危巢鶴奔枝礙壁龍盤根

供客踞掃葉認仙蹤風寂吹常謾泉枯灑若淙性孤千尺

傲材大百年傭葛相堪同卧秦皇恥再逢鹿芝香作供鶴

草錦成茸影出層雲外霜天落曉鐘性孤以下則比也

讀陳其年邗江白下新詞陳其年名維崧宜興人父定生名貞慧見前贈詩其

年以諸生應己未博學宏詞試授檢討其烏  
絲詞至一千八百餘首之多從來所未有

漫寫新詞付管弦臨春奏妓已何年笑他狎客無才思破

費君王十萬錢池北偶談金陵丁胤嘗與余游祖堂寺憩呈劍堂指示余曰此阮懷寧度曲處也阮

於此山每夕與狎客飲以三鼓為節客倦罷去阮挑燈作傳奇燕子箋雙金榜獅子賺皆成於此韻石齋筆談阮圓

海所度春燈謎牟尼合諸樂府音調旖旎情文婉轉而憑虛鑿空半是無根之謊

鈿轂珠簾燕子忙宮人斜畔酒徒狂阿廢枉奏平陳曲水

調風流屬窈娘

落日青溪載酒時靈和垂柳自絲絲沈郎莫作齊宮怨唱

殺南朝老妓師

冶習春來興未除艷情還作過江書長頭大鼻陳驚坐白

裕諸郎總不如

咏柳原註贈柳雪生

走馬章臺酒半醒遠山眉黛自青青輸他張緒誇年少柳

宿旁邊占小星原註柳星張三宿同度

十五盈盈擅舞腰無言欲語不能描武昌二月新栽柳破

得工夫鬪小喬原註時有喬姬亦擅名

萬條拂面惹行塵選就輕盈御柳新枉自穆生空設醴可

憐青眼屬誰人原註穆君初與雲遇為畫眉人所奪。雲也故前首有張緒云云

玉笛聲聲喚奈何柳花和淚落誰多灞橋折贈頻回首惆

悵崔郎一曲歌原註崔郎主人歌童也

題沙海客畫達摩面壁圖

松風拂拂水泠泠參得維摩止觀經從此西來真實義掃

除文字重丹青

題二禽圖

舊巢雖去主人空剪雨捎風自在中却笑雪衣貪玉粒羽

毛憔悴閉雕籠

雜題

白袷春衣繫隱囊少年吹笛事寧王武昌老者如相問翻

得伊州曲幾行敬亭崑生而外又有此人

送錢子璧赴大名錢穀字子璧華亭人詩有後江集赴大名客成相國基命家也

一騎衝寒雪孤城叫晚鴉參軍雄鎮地上客相公家酒盡

河聲合燈殘劍影斜信陵方下士旅思莫興嗟

大名成化字仲謙成相子也有送錢子璧師南歸詩明史成基命傳字靖之崇禎二年拜禮部尚書兼東閣大學士

吳梅村詩箋卷十終

